

摘藻堂四庫全書薈要

子部

欽定四庫全書薈要

子部

御定淵鑑類函卷九十五  
六

欽定四庫全書薈要卷一萬一千五百四十三

子部

御定淵鑑類函卷九十五

設官部三十五

三老五更 國子祭酒 監丞 主簿典簿附

助教 司業附

學正學錄附

博士

太學博士

廣文館博士

四門博士

律學博士

書學博士

算學博士並附

學生

三老五更一

原杜氏通典曰三老五更者三代所尊也

三者道成於三謂天地人

也老者舊也壽也詩云方叔元老書稱無遺我黃耇之言則罔所愆五者訓於五品更者更也五世長久更相



代言其能以善道改更已也故三老五更皆取有道夫妻男女完具者為之鄭玄曰老更互言之耳皆老人更知三從五事者也蔡邕曰更當為叟字之誤也天子父事三老兄事五更親袒

割牲執醬而饋執爵而

醕音孕漱也所以潔口

三公設几九卿正

履祝饘在前祝饔在後

饘音梗饔音咽

使者安車輶輪送迎至

家天子獨拜於屏其明日三老詣闕謝以其禮遇太尊

故也後漢明帝以李躬為三老桓榮為五更安帝以

魯丕李充為三老靈帝又以索逢為三老賜以玉杖

王杖

長九尺端以鳩為飾鳩者不咽之鳥欲老人之不咽也

魏高貴鄉公即位幸太

學將崇先典命王祥為三老

祥字休徵

鄭小同為五更祥南

面几杖以師道自居天子北面乞言陳明王聖帝君臣

政化之要以訓之聞者莫不砥礪後魏孝文養老於

明堂以尉元為三老

元字荀仁

游明根為五更

明根字遠志

帝再

拜三老肅拜

鄭衆云但俯下手今時擡拜是也擡音於志反即今之揖也

給三老上

公之祿五更元卿之祿

後周武帝保定三年詔以太

傅燕國公謹

子謹

為三老賜延年杖帝幸太學以食之三

老入門皇帝迎拜門屏之間三老答拜有司設三老席

於中楹南向太師晉國公護升階設几於席三老升席  
南面憑几而大司徒楚國公寧升階正鴈皇帝升立於  
斧扆之前西面有司進饌皇帝跪設醬豆親自袒割三  
老食訖皇帝又親跪授爵以醕有司徹訖皇帝北面立  
訪道三老乃起立於席後皇帝曰猥當天下重任自惟  
不才不知政治之要公其誨之三老答曰木受繩則正  
后從諫則聖自古明王聖主皆虛心納諫以知得失天  
下用安惟陛下念之云云三老言畢皇帝再拜受之三

老答拜禮成而出其餘歷代皆無

三老五更二

原崇至敬

魏氏春秋云甘露二年詔曰古者必有三老五更以崇至敬

若講師

續漢

書云養三老五更先吉日司徒上太傅若講師故三公人名用其德行年耆高者三公一人為三老次卿一人為五更皆服絺綌大袍單衣皁緣領袖中衣冠進賢扶王杖五更亦如之

桓榮尚書賜爵

東觀漢記云明帝永平二年詔曰五更沛國桓榮以尚書授朕十有餘年其賜爵關內侯食邑二千戶

李躬學明賜爵

又云三老常山李躬年耆學明以二千石祿養終身

王祥秉義

淳固

小同溫恭孝友

魏氏春秋云甘露二年詔曰關內侯王祥秉義淳固鄭小同溫

恭孝友可以祥爲三老小同爲五更  
於是天子乃親率羣司躬行古禮

國子祭酒一

司業附

原杜氏通典曰孫卿在齊爲三老稱祭酒

胡廣曰凡官名祭酒皆一

位之元長古者賓得主人饌則老者一人舉酒以祭地故以祭酒爲稱漢之侍中魏之散騎常侍功高者陞爲祭酒用其義也公府有祭酒亦因其名漢吳王濞年老不朝爲劉氏祭酒

則祭酒之名久矣又漢置博士至東京凡十四人而聰明有威重者一人爲祭酒謂之博士祭酒蓋本曰僕射

中興轉爲祭酒

昭帝增博士弟子員滿百人宣帝末增倍之元帝時詔能通一經者皆復數年



郡國置五經百石卒史成帝末增弟子員三千人平帝時王莽增元士之子得受業如弟子勿以為員歲課甲科四十人為郎中乙科二十人為太子舍人丙科四十人補文學掌故後漢安帝薄於藝文博士倚席不講學舍額獎勅為園蔬牧兒鬻豎至於薪刈其下順帝感崔駰之言乃更脩黌宇凡所構二百四十房千八百五十室試明經下第補弟子增甲乙之科員各十人除郡國耆儒皆補郎舍人魏因之晉武帝咸

寧四年初立國子學置國子祭酒一人國子周之舊名

周官有師氏之職即魏國子祭酒

周禮師氏以三德三行教國子有保氏而

養國子以道教之六藝也

晉視侍中列曹尚書

劉毅奏結並為此官

宋代不置

學則助教唯置一人而祭酒博士常置也明帝太始六

年以國學廢初置總明觀祭酒一人有元儒文史四科  
科置學士各十人齊高帝建元四年有司奏置國學祭  
酒准諸曹尚書博士准中書郎助教淮南臺御史選經  
學為先若其人難備給事中以選明經者以本位領其  
後國諱廢學永明三年立學尚書令王儉領祭酒學既  
建乃省總明觀八年國子博士何胤單為祭酒疑所服  
陸澄等皆不能據遂以元服臨試月餘日博議定乃服

朱衣齊梁號為國師

梁王承字安期為國子祭酒承祖儉父暕並居此職三代為國師前

代未有當時以爲榮味音簡

陳後魏亦曰國子祭酒其初定中原先

立太學置五經博士北齊國子寺有祭酒一人隋開皇

十三年國子寺罷隸太常

凡國學諸官自漢以下並屬太常至隋始革之

又改

寺爲學仁壽元年罷國子學唯立太學一所省國子祭

酒博士置太學博士總知學事煬帝即位改國子學爲

國子監依舊置祭酒唐因之

龍朔元年東都亦置

龍朔二年改爲

司成館又改祭酒爲大司成咸亨初復舊光宅元年改

國子監爲成均監神龍元年復舊領國子學

學生三百人

太

學

學生四百人

四門

學生五百人俊士八百人

律學

學生五十人

書學

學生三十人

算學

學生三十人凡六學生徒二千一百一十人每學各置博士以總學事及有助教等員天寶九年又

於國子監置廣文館領學生為進士業者置博士助教各一人品秩並與太學同

置祭酒一人

掌監學之政皇太子受業則執經講說皆以儒學優重

者為之天寶九載置廣文館學生進士 晉百官表注

曰博士祭酒一人掌國子學介幘阜朝服進賢兩梁冠

佩水蒼玉秦燔書籍而置博士之官博者博通於藝事

也 沈約宋書曰博士秦官也常通古今員多至數十

人有僕射光武增為十五人蓋一經有數家之學故也  
皆教弟子光武改僕射曰祭酒 齊職儀曰晉令博士  
祭酒掌國子生師事祭酒執經葛巾單衣終身致敬

增文獻通考曰宋國子監判監事二人以兩制或帶職  
朝官充凡監事皆總之祭酒掌國子太學武學律學小  
學之政令凡諸生之隸於太學者立三舍法崇寧立辟  
雍置大司成一人為師儒之首總辟雍太學之政令位  
諸曹侍郎上宣和罷中興初并國子監歸禮部紹興三

年置國子監十二年置祭酒十三年始復建太學 續

文獻通考曰遼南面國子監太祖置於上京中京國子

學隸焉官曰祭酒司業監丞主簿 金海陵天德三年

初置國子監國子學太學皆隸焉 元世祖至元初以

許衡為集賢館大學士國子祭酒敎國子與蒙古大姓

四集賢人員選七品以上朝官子孫為國子生隨朝三

品以上官得舉凡民之俊秀者入學為陪堂生伴讀至

元二十四年始置監祭酒司業掌學之敎令皆德尊望

重者爲之皇慶二年置崇文閣於國子監外別有國子學蒙古國子監准漢人國子監例置官亦同明太祖吳元年定國子學官制設祭酒等員十年置中都國子學十四年更定祭酒一人司業二人其屬監丞二人博士五人助教十五人典簿一人學正十人學錄七人典膳一人掌饌二人十五年相地於都城之北改國子學爲國子監頒教條及禁例於天下十六年命曹國公李文忠領國子監事車駕時時臨視以故監官不得中廳

而坐中門而行二十六年革中都國子學祭酒掌國學  
舉人貢生官生恩生例生及年幼勲臣訓教之事凡訓  
教諸員奉監規而損益焉要在明體適用以孝弟忠信  
禮義廉恥爲本尊師親友讀書寫字爲業有不率者扑  
之不悛從謫之其率教者有升堂積分及超格序用之  
法以廩饌贍師生以力役給厨膳以賜予示恩賚以寧  
假悉人情以撥厯練吏事以考選汰冗濫太祖親製條  
規十八款於監仍令天下各學勒臥碑以示諸生成祖



永樂元年設北京國子監列爲二監至十九年定鼎北  
京於留都加南京二字二監雖並列而治法本原實始  
於南 原國子司業杜氏通典曰煬帝大業三年於國  
子監初置司業一人禮曰樂正司業父師司成因以爲  
名唐置二人副貳祭酒通判監事龍朔二年改爲少司  
成咸亨初復舊凡祭酒司業皆儒重之官非其人不居  
增文獻通考曰宋元豐正官名置司業一人紹興十  
三年始復建太學隆興并省司業不與祭酒並除乾道

七年乃並除如故遼金元皆設明置二人上幸太學祭酒及司業執經講義

國子祭酒二

司業附

原蜀志秦宓傳曰先主既定益州廣漢太守夏纂請秦宓為師友祭酒領五官掾 晉中興書云杜夷素以儒稱秉操貞素中宗以為儒林祭酒 增前秦錄曰建元七年高平蘇通長樂劉祥並以碩學者儒尤精二禮堅以通為禮記祭酒居於東庠祥為儀禮祭酒處於西序

堅每月朔旦率百僚親臨講論 隋史曰隋元善賜爵

江陽縣公後遷國子祭酒帝親臨釋奠命善講孝經於是敷陳義理兼以諷諫上悅曰聞江陽之說更啓朕心

唐書曰張後胤以經授秦王及太宗即位為睦州刺史因入朝乞骸骨太宗曰卿氣力猶強欲何官也後胤陳謝不敢太宗曰朕昔從卿受經卿從朕求官何所疑後胤頓首願得國子祭酒從之 又曰褚無量字弘度擢明經累除國子博士遷司業中宗將南郊祝欽明郭

山惲建言皇后為亞獻無量與太常博士唐紹蔣欽緒等上書引禮固爭不得及明皇為太子釋奠國學令講經建端樹義博敏而辯即位遷國子祭酒又曰太宗以孔穎達在東宮數有匡諫拜國子祭酒仍侍講東宮太宗幸國學觀釋菜命穎達講孝經既畢穎達上釋奠頌手詔褒美先是與顏師古等諸儒受詔撰定五經正義下詔曰卿等博綜古今義理該洽考前儒之異說符聖人之幽旨實為不朽付國子監施行又曰韓愈拜

國子祭酒秦儒生為學官日使會講生徒奔走聽聞皆相喜曰韓公來為祭酒國子監不寂寞矣 又曰鄭覃故相珣瑜之子以宰相兼判國子祭酒奏太學置五經博士各一人緣無職田請依王府官例賜祿廩從之

宋史曰宋初崔頌判國子監建隆三年夏始會生徒講說太祖遣中使以酒果賜之每臨幸國學召頌與語因及經史頌應答無滯及郊祀以頌攝太僕升車執綏上問以一時典禮頌占對閑雅上甚重之 又曰邢昺咸

平中為國子祭酒景德二年上幸國子監閱庫書問昺  
經版幾何昺曰國初不及四千今十餘萬斯儒者逢時  
之幸也上方興起道術令昺與張雍杜鎬孫奭舉經術  
該博德行端良者以廣學員 又曰呂公著為祭酒所  
舉學官如王回吳政姜潛張載皆一世大儒王存顧臨  
為元祐名臣常秩吳申黃履朱臨盛僑亦顯於世處士  
陳頤隱居不仕公命博士即其家敦請以為太學正頤  
固辭公即命駕過之 又曰李綱之罷太學生伏闕上

書乞留綱與种師道軍民集者數十萬朝廷欲防禁之  
吳敏乞用楊時以靖太學時得召對言諸生伏闕紛紛  
忠於朝廷非有他意但擇老成有行誼者爲之長貳則  
將自定帝曰無逾於卿遂以時兼國子祭酒 元史曰  
許衡爲中書左丞論阿哈瑪特專權罔上蠹政害民若干  
事不報因謝病請解機務帝久欲開太學乃以爲資政  
殿大學士兼國子祭酒衡聞命喜曰此吾事也國人子  
大朴未散視聽專一若置之善類中涵養數年將必爲

國用乃請徵其弟子王梓劉季偉韓思永耶律有尚呂  
端善姚燧高凝白棟蘇郁姚燾孫安劉安中十二人詔  
驛召之來京師分處各齋以爲齋長時所選弟子皆幼  
穉衡待之如成人愛之如子出入進退其嚴若君臣其  
爲教因覺以明善因明以開蔽相其動息以爲張弛課  
誦少暇即習禮或習書算少者則令習拜跪揖讓進退  
應對或射或投壺負者罰讀書若干遍久之諸生人人  
自得下至童子亦知三綱五常之道又曰許衡告老



去以王恂為國子祭酒祭酒之制實始於此 明獻徵  
錄曰洪武時太學初成中外歲貢生徒日夥適選悞者  
掌之師生相訐教尼不行十六年以文淵閣大學士宋  
訥為國子監祭酒請於上嚴立學規諸生皆知敬畏上  
慮功臣子弟有不服扑罰者命曹國公李文忠兼領監  
事由是貴胄肅然受教年八十卒於官上自製文遣官  
致祭其後歲卒未太學生有連舉大魁者上思訥曰此  
宋祭酒訓迪之功也凡諸生守官稱職者多出訥門上

每舉訥為教國子者楷法 又曰李懋字時勉以字行

正統六年為祭酒嚴毅正大極意造就人才初至令坐  
堂一月後乃散處於廂房列格致誠正四號號房有家  
室者居外晨入饌堂讀書俱朔望升堂其於四號督勵  
尤切夜讀務盡二更將五更復令膳夫提鈴循號房喚  
起讀書或自潛行以察勤惰無燈者令人暗記明示責  
罰自是燈光達旦書聲不歇學者感激競相勸勉諸生  
貧病者節縮餐錢力為贍給

國子祭酒三

司業附

原傳經

講學

戴逵為儒林祭酒刻石傳經下詳書鈔

增儒宗

散地

後周盧誕有名於時文帝以誕儒宗學府乃拜國子祭酒唐書曰肅宗時楊綰為吏部侍郎元載秉政忌綰望高官者魚朝恩判國子監既誅因是建言太學當得天下名儒即拜綰國子祭酒外示尊重而實以散地處之權德輿書以劉秩為祭酒置之國庠似在散地

虎闥

槐市

王元長曲水詩序入虎闥

而齒胄注周禮曰師氏以三德教國子居虎門之左蔡邕明堂月令論曰周官有闥門之學翰曰虎闥教國子之學所也淮南子太學曰槐市又三輔黃圖云元始中起明堂列槐樹數百行朔望諸生持經書及當郡所出物於此買賣號槐市

清官後

儒人師

齊書曰張緒字思曼清簡寡欲建元元年

立國學以緒為太常卿領國子祭酒何點歎曰晉以子敬季琰為此職今以王延之張緒為之可謂清官後接之者實為未易元史曰字朮魯翀字子翬為國子祭酒帝師至京師有旨朝臣一品以下皆乘白馬郊迎大臣俯伏進觴帝師不為動惟翀舉觴立進曰帝師釋迦之徒天下僧人師也余孔子之徒天下儒人師也請各不為禮帝師笑而起舉

懷珍果

判祥瑞

陳書曰徐孝克孝穆

弟也性至孝為國子祭酒孝克每侍宴無所食噉而膳羞損減宣帝以問中書舍人管斌斌伺之見孝克取珍果納紳帶中歸以遺母宣帝聞之嗟歎良久乃敕自今宴享孝克前饌並遣將還以餉其母時論美之唐書曰則天稱制不恡官爵取悅當時國子祭酒多授諸王駙馬都尉貞觀故事祭酒上日皆講五經題至是諸王駙馬為祭酒者赴上惟判祥瑞三牒而已至於博士助教雖有學官之名多非儒雅之實

原選有

道人

宜素業士

漢舊儀曰博士祭酒選有道之人習學者祭酒國子卿大夫之子弟孔

儼用阮叔為儒林祭酒教云方當庠序之教宜素業士

漢擢荀卿

晉選劉毅

並為祭酒也見白帖

增請崇文學

宜處老成

唐書曰蕭昕代宗時擢國子祭

酒請崇文學以立教本帝悟其言詔羣臣有籍於朝及神策六軍肄業者聽補生徒宋史曰元祐中鄭穆以寶文閣待制兼祭酒每諸生請益無間寒暑六年請老范祖禹上言穆雖年七十精力尚強祭酒居師資之地正宜處以老成願

盧誕人師

虛齋理學

後周盧誕本名恭祖

母輕聽其去不報

拜給事黃門侍郎文帝詔曰經師易得人師難求因賜名誕拜國子祭酒明蔡清號虛齋晉江人正德時拜南京國子監祭酒命甫下而卒所著有易經四書蒙引太極圖密箴世宗特命頒行纂列姓名於理學名臣錄

宿儒並命

師範齊名

宋史曰馮元字道宗仁宗朝判國子監故事國子監必宿

儒典領元與孫奭三命輿論大服明陳敬宗為南京祭酒以師道自任時北監祭酒李時勉約束諸生身教

亦嚴世稱南陳北李

兩為祭酒

五居國學

元歐陽玄三任成均兩為祭酒又

耶律有尚字伯強遼東丹王十世孫受業許衡之門稱高第弟子衡為祭酒奏門人為齋長以伴讀有尚其一也衡告老還乃以有尚等為助教及有尚去而國學事廢廷議以為非有尚無足以繼衡者除國子司業奏立學館二十四年朝廷大啓學舍始立國子監官增廣弟子員於是尚有尚陞國子祭酒儒風為之丕振有尚前後五居國學身為學者師表數十年海內宗之猶昔之宗衡也

原安車迎君賓執

經問行齊

漢書龔勝傳云勝字君賓王莽遣使者拜為講學祭酒稱疾不應徵後莽奉璽書太子師

友祭酒印綬安車駟馬迎勝勝曰今年老矣豈以一身事二姓哉臧榮緒晉書曰杜畿字行齊除國子祭酒

皇太子禮之執經問焉

增遣使起之於家

重臣多出其門

明謝

鐸弘治間擢南京國子監祭酒致仕歸薦者以十數特擢禮部右侍郎管國子祭酒事命吏部遣使即其家起

之又胡儼永樂間為國子祭酒方岳重臣率多出其門

道足以鎮雅黜浮學

足以起頑立懦

明林俊謂祭酒謝鐸以上祭酒

宗元美陽城

胡

寅責高閑

唐陽城為國子司業後出為道州刺史太學諸生何蕃等二百人頓首闕下請留城柳宗

元與蕃等書曰昔李膺嵇康時太學生徒仰闕執訴僕謂迄今千百年不可復見乃在今日誠諸生見賜甚盛

將亦陽公漸漬導訓所致乎宋紹興時問為司業既請行經義課試之法新學成奏補試者六千人且乞臨

雍繼率諸生上表以請於是帝幸太學秦禧執經問講  
易泰卦胡寅聞之以書責閔曰閣下為師儒之首不能  
建大論明天人之理乃阿柄臣希台風旨求舉  
太平之典欺天罔人孰甚焉平生志行掃地矣  
四輔

為司業 三人皆高年

明吳源字性傳洪武三年與杜穀龔穀趙民望李祐俱召為四

輔官兼太子賓客後上以源賢復召為國子監司業  
又王嘉會字原禮洪武十五年為國子右司業時宋訥  
為祭酒太學生常數千人嘉會與訥及左司業龔穀嚴  
立楷範三人者春秋已高鬚鬢鬢如正其衣冠旦夕端  
坐諸生雲集階下肅然望而畏之以是士類率教多所  
造就上知其勞眷待殊厚蓋洪武時有左右兩司業也  
以上

司業

國子祭酒四

司業附



原成均

國子監也

大學

國學

增為終身

宋書丘靈鞠領東觀祭酒曰人居官

願速遷使我為祭酒終身不恨也

久不調

明獻徵錄曰陳敬宗字光世永樂時為南京祭酒平

生剛介官太學二十餘年諸生位有至卿貳者而敬宗獨久不調意豁如也

原奏立國子

學

晉諸公贊云裴頠惠帝時拜為國子祭酒奏立國子太學起講堂築門閤刻石以寫五經

上疏

興國學

晉中興書陳郡袁錄云袁環字山甫為國子祭酒時屢經喪亂禮教陵遲上疏求立學從

之國學之興自環始也

劉毅博學多聞

臧榮緒晉書云武帝詔曰劉毅博學多聞其以

毅為散騎常侍國子祭酒

劉智學行優著

又云咸寧四年詔曰南陽王師劉智學行優著

其以智為國子祭酒

戴逵逵槩發蒙胄子

王珣啓戴逵為祭酒云前國子博士戴逵

綽有遠槩堪  
發曹子之蒙

庾純儒行訓導國子

臧榮緒晉書云咸寧三年詔曰議郎

庾純篤學好古敦說詩書儒行也宜訓導國子以上祭酒

增貳成均

唐柳宗元為國子司

業陽城遺愛碣云帝求師儒貳我成均進退作則動言是微

命樂正

宋蘇轍除盛喬制云命樂

正之官輔司成之位徃祗厥職毋使陽城韓愈之流專美前世

叅掌禮儀

唐韋叔夏精通三禮

遷成均司業久視元年特下制曰禮儀國家所重司禮博士未甚詳明成均司業韋叔夏太子率更令祝欽明等博涉禮經多所該練委以參掌冀弘典式自今司禮所修儀注並委叔夏等刊定訖然後進奏

誦

詩規諷

唐郭山惲景龍中累遷國子司業帝昵宴近臣及修文學士詔徧為伎工部尚書張錫為談容

孌舞將作大匠宗晉卿為渾脫舞左衛將軍張洽為黃顰舞給事中李行定歌車駕西河曲各有所陳皆鄙黷

山惲惟知誦詩乃誦鹿鳴蟋蟀二篇未畢中書令李嶠以其近規諷止之帝嘉其直下詔褒咨

崇敬

建議

又歸崇敬字正禮大歷中授國子司業時皇太子欲以仲秋月於國學行齒胄之禮崇敬以國學及

官名不稱請改國子監為辟雍省又以祭酒之名非學官所宜按周禮師氏掌以義詔王教國子請改國子為太師氏又司業者禮記云樂正司業正長也言樂官之長司主此業按周頌設業設虞則業是懸鐘磬之栒虞也今太學於義則無所取請改司業一為左師一為右師詔下議者以為習俗既久重難改作其事不行

陽城下遷

又陽城下遷國子司業引諸生告之曰凡學者所以學為忠與孝也諸生有久不省親者

乎明日謁城還養者二十輩有三年不歸侍者斥之簡孝秀德行升堂上沈酗不率教者皆罷之躬講經籍生徒斤斤皆有法度

經義課試之始

宋高閑字抑崇紹興時為國子司業時興太學閱奏

宜先經術帝曰士習詩賦已久遽能使之通經乎問曰  
先王設太學惟講經而已國初循唐制用詩賦神宗  
始以經術造士遂罷詩賦又慮不足以盡人才乃設詞  
學一科今宜以經學為主而加詩賦帝然之問於是條  
具其法以六經語孟義為一場詩賦次之史論時  
務策又次之太學課試及郡國科舉盡以此為法  
郡

國升補之制

宋史郡國士補國學監生之制亦開所立以上司業

### 國子祭酒五

原表齊王融為王儉讓國子祭酒表曰竊以庠均義重  
振古所崇資師道尊有來攸尚匪曰蘭芷疇變入室之  
情不自朱藍何遷素絲之質况臣仁慙富似德謝潤身

識陋令經器非匣重何以昇墜道於殊年反斯文於遙  
日將使良璣脩竹無增瑩羽敬遜務時遂騫星歲 又  
表曰臣聞脩瓦方湛弱露霑而取覆懸衡紀正輕塵委  
而必移況臣才非應俗用乖知治取其集水飲水旌懸  
輪驚方臣之念未足言矣 後魏溫子昇為安豐王延  
明讓國子祭酒表曰臣聞寶劔未砥猶乏切玉之功美  
箭闕羽尚無衝石之勢況才非會稽之竹質謝昆吾之  
金至於敷教東序流訓上庠置樽候酌懸鐘待叩必須

蘊朱藍以成彩立規矩以為式垂三行於貴游揚六藝  
於胄子而臣學愧聚沙問慙攻木雖歷文史不治章句  
於茲曠官青衿何仰 增唐李嶠讓成均祭酒表曰東  
序蟻學稱為教化之宮西膠席門實應文章之宿論姬  
孔之制度談夏商之損益方期遺典墜業有可發明豈  
伊曲學謏聞所堪尸忝伏望俯停庸察改命耆儒則授  
几肆筵還知入廟之禮褒衣博帶不濡在梁之翼

監丞一

主簿

典簿附

原杜氏通典曰監丞隋置二人唐一人 增文獻通考

曰宋遼一人金二人明昌二年增一人兼提控女直學

元一人專領監務明置二人監丞坐繩愆廳叅領監事

凡師生怠教不率教及廩膳不潔並糾懲之而堅明其

約束師生有過書而識之建文時陞監丞為堂上官永

樂初復舊仍為屬官 原主簿杜氏通典曰北齊置隋

一人唐因之 增續文獻通考曰宋置主簿一人以京

官或選人充掌文簿以勾考其出納元置典簿一人掌

提調諸生飲膳與凡文牘簿書之事明因之典簿典出  
納文移受支金錢季報課業

監丞二

主簿

典簿附

增南丞改北

明獻徵錄曰張顯字緝熙洪武中被薦自王府教授為國子學正秩滿陞監丞莅事

公勤六館皆敬重之乃條陳百務成法益備時北監初  
建惟司業員泰署邸教尼不行朝議以顯素諳典章乃  
奏改北詔報可遂兼程以往經理學舍勸懲淑慝百廢  
畢興輔奏所不逮泰舊嘗為南監助教顯降意下之協  
恭和衷嚴申學規激勵後進於是諸生  
數千人肅然敬服莫不以顯為能盡職  
翰林大猷字子道舉鄉薦遣國子學錄勤於啓迪執經從  
游者無慮數百輪番聽講又約日通集太學諸生聽講

翰檢為丞

又曰



謂之普講祭酒耿裕待以賓禮進監丞滿九

擢恬退

宋史曰韓維字持國仁宗患縉紳奔競論近臣曰恬退者旌擢則躁求者知恥於是宰相文彥博宋庠等言維

好學嗜古安於靜退乞加甄錄以厚風俗除國子監主簿

兼書庫

宋國子監有書庫官以京朝官

充掌印經史羣書以備朝廷宣索賜予之用隆興間詔主簿兼書庫

力學多通

唐書曰樊宗師

字紹述始為國子主簿力學多通韓愈稱宗師議論有經據嘗薦其材云

論事不合

宋史曰王

庭珪字氏瞻陳國子主簿論事與時宰不合乞去主管台州崇道觀

成儒名盡子職

明獻

徵錄曰蕭邦現廬陵人舉明經為邑學訓導每得俸給必製衣服備甘旨以奉父母偏其堂曰養志明初陞國子典簿見諸生有三年省祭及為養親而行者必委曲成就之有不顧父母之養者輒呵責之祭酒張顯宗司

業張智禮重之亟稱其孝友學者稱為養志先生

仕不近利學不近名

又曰趙魯

字尚確山陰人宣德初領鄉薦歷任教諭正統十二年始陞國子監典籍日端坐觀書詠詩校對訛缺或忘寢食暇則鳴琴自娛祭酒陳敬宗謂人曰趙尚確仕不近利學不近名對之坐談簡淡有味令人興起今之黃叔度也久之遷典簿益勤敏盡職不以為卑及秩又滿引年致仕行李無一長物惟囊書數百卷而去以上主簿典簿

助教一

學正

學錄附

原杜氏通典曰晉咸寧四年初立國子學置助教十五

人以教生徒江左及宋並十人

宋置易尚書毛詩禮記周禮儀禮左傳公羊穀

梁各為一經論語孝經為一經合十經助教分掌

宋齊並同梁國子助教舊視

南臺御史品服與博士同陳因之後魏亦有之北齊置

十人隋置四人唐國子助教三人諸府州縣各有助教

職員

府州二人縣一人學生各有差

增續文獻通考曰遼國子學太

學並置助教金國子學助教二人太學助教四人元國

子學助教四人分掌各齋生員明置助教十五人與學

正學錄坐正義崇志廣業脩道誠心率性堂專職教誨

嚴程課講解經義文字約之規矩學正學錄續文獻

通考曰宋國子正錄大觀初置掌行學規糾不如規者  
罰之太學正錄仁宗朝胡瑗掌太學其正錄第補諸生  
熙寧末興三舍始遷官為正錄如學官之制正錄各五  
人元置學正學錄各二人督習課業明因之置學正十  
人學錄七人其職掌與助教同

助教二

學正

學錄附

增二蓋齊名

唐書曰蓋文達博涉經史刺史竇抗嘗廣  
集儒生令相問難大儒劉焯劉軌思孔穎

達咸在坐文達亦參焉既論難皆出諸儒意表抗大奇  
之問蓋生所受學劉焯曰此生岐嶷出自天然以多問

寡焯為師抗曰可謂永生於水而寒於水矣武德中為國子助教其宗人文懿亦以文業知名當時稱二蓋焉文懿武德初歷國子助教嘗開講毛詩發題公卿咸萃更相問難文懿發揚風雅甚得詩人之致貞觀中終國子博士

### 三國釋憾

又曰朱子奢授國子助教貞觀初高麗百濟同伐新羅連年不解兵帝假

子奢員外散騎侍郎持節諭旨釋三國之憾子奢有儀觀夷人尊畏之二國上書謝罪贈遺甚厚

恬

靜安職

明獻徵錄曰金礪字汝用以乙榜為教職九年秩滿需次者久之永樂庚辰宜陞國子典籍大

學士楊士奇雅重之九年秩又滿乃書最以去既歸省先墓及復任又久之乃得陞助教恬靜安職絕無外慕

人以為

模範端重

又曰羅用俊為國子助教為人孝友嚴正重義輕利所至以身為教

賢云

士敬信之去則立主祀於名宦祠在南監日久模範端重公卿大夫咸加尊禮

挾策趨門下

元史曰虞集除國子助教即以師道自任諸生時其退每挾策趨門下卒業他館生多相率詣集請益

**考最不自陳**

明獻徵錄曰歐陽賢永樂間為南京國子助教九年考最凡考最復職者皆援例自

陳得陞衆謂賢曷自陳曰吾常戒學者宜安命乃今自蹈之耶卒不自陳以上助教

**繫籍聖**

**賢**

宋史曰度宗時國子正余安裕乃謝枋得之甥少從枋得學客有盛談安裕於枋得者枋得笑曰昔呂東

萊中宏詞科而歸學者羣登其門請升講坐陳同父勸東萊勿許曰伯恭未是繫籍聖賢豈可升坐東萊問其

故同父曰官為宰相可以生殺廢置人官為臺諫可以彈駁榮辱人官為國子監可以考校舍法去取人開口

高談道德性命縱有錯謬人無敢爭辨者畏其勢也此三等謂之繫籍聖賢東萊大笑而止今安裕為國子正

乃繫籍聖賢宜乎子之敬畏而稱頌之也客大慙按熙寧中興三舍始選學正凡五人掌行學規諸生之戾規

矩者待以  
五等之罰

一命為正

又曰周邦彥字美成元豐間初  
遊京師獻汴都賦萬餘言神宗

異之命侍臣讀於通英閣召赴  
政事堂自太學諸生一命為正

大儒為正

宋真德秀  
魏了翁皆

為國  
子正

纂輯本末

宋史袁樞字機仲一日上謂龔茂良  
曰史書編年事多間斷莫詳始末茂

良對曰近有太學錄袁樞嘗取資治通鑑各分條目輯  
為一書謂之通鑑紀事本末頗便觀覽上曰可速進之

遂呈

越格進用

樓攻媿集陳止齋傳良授泰州教授  
未赴會太學錄闕叅政龔茂良行軍

御覽

相事奏曰太學錄一闕睥睨者眾臣欲擇取名儒為士  
林所推者越拘攣而用則人自服矣上問為誰以傳良

對上曰是朕所素知者

上舍特除

宋紹興四年詔太  
學生黃倫升補上

除命一下果無異辭

等上舍特與補左承  
務郎除太學錄焉

伯衡恬靜寡欲

明獻徵錄蘇伯  
衡字平仲浙江

金華人文定公輟九世孫也元末舉鄉貢進士入明選為國子學錄遷學正屹然以師道自任教胄子者五年近臣有薦其才於上者即日召見親擢為翰林國史院編修伯衡以賁疾辭不受尋乞省覲歸洪武十年宋濂以學士承旨請老既入謝上問曰今在外文學復有如卿者乎其舉以自代濂曰伯衡臣鄉人也博學飭行為文詞蔚贍有法要不可以微疾廢上許而亟徵之甫就館舍自宰執以下咸躬往候詢及輒以疾對明日入見固辭乃賜表裏寶鈔遣歸二十一年會試復徵聘伯衡為考試官事竣復辭歸伯衡為人恬靜寡欲容貌不踰中人而學問可以兼天下

**蕭執陪祀應制**

又蕭執字子所鄉薦

有集六卷宋濂劉基序之上第為國子學錄蓄學日富尤長於詩洪武五年夏至上將有事於北郊前期駕詣齋宮召宋濂等率文學能賦之士從焉於是執階禮部尚書陶凱等十二人趨入齋殿以見上顧問曰今茲祀事是將天宇澄霽克厭朕



心爾等以文職陪祀宜即時物所有賦詠以來因命賦  
殿下柳檜并荷露退而詩成以次呈獻上親覽之品第  
有差既而復命賦詩者往殿後觀柅子花人給紙一俾  
各賦詩詩成叙進如初執最在後上問其詩喜動顏色  
命起居注劉季道出諸詩令在侍者徧觀之執班列最  
遠則又召使前焉為上所寵暱如此 以上學正學錄

### 博士一

太學博士  
律學博士

廣文館博士  
書學博士

四門博士  
算學博士附

原杜氏通典曰國子博士班固云按六國時徃徃有博

### 士掌通古今

又曰博士秦  
官漢因之

漢博士多至數十人冠兩梁

武帝建元五年初置五經博士宣帝成帝之代五經家

法稍增置博士一人博士選有三科高第為尚書次為

刺史其不通政事以久次補諸侯太傅

元鼎中徐偃為博士使行風俗

偃矯制使膠東魯國鼓鑄鹽鐵還奏事張湯劾偃以矯制法至死偃以春秋之義大夫出疆有可以安社稷利

萬人專之可後漢博士凡十四人

易施孟梁丘京氏尚書歐陽大小夏侯詩

齊魯韓毛禮大小戴春秋嚴顏各一博士掌以五經教子弟國有疑事掌承

問對舊時從議郎為博士其通叡異藝入平尚書出部

刺史諸侯守相久次轉諫議大夫中興高第為侍中小

郡若都尉博士限年五十

其督郵板狀曰生事愛敬喪沒如禮理易尚書孝經論語

兼崇載籍窮微闡奧師事某官經明受謝見授門徒尚五十人以上正席謝坐三郡三人隱居樂道不求聞達

身無金痰痼疾三十六屬不與妖惡交通王侯賞賜行應四科經任博士下言某官某甲保舉順帝諱保故稱

守

安帝以博士多非其人詔命三公將軍中二千石舉

博士各一人務得經明行高卓爾茂異是時羣僚承風

凡所旌貢綽有餘裕後旋復故遂用陵遲初平帝元始

四年改博士為博士師後漢兼而存之並擇儒者

桓榮魯恭

戴憑等並為博士

魏及西晉朝博士置十九人武帝咸寧四年

初立國子學置國子博士一人皆取履行精淳通明典

義若散騎常侍中書侍郎太子中庶子以上乃得召試

諸生有法度者及白衣試在高第拜郎中

元帝時荀崧上疏曰昔咸

寧太康永嘉之中侍中常侍黃門通洽古今行為世表者領國子博士

宋齊諸博士皆阜

朝服進賢兩梁冠佩水蒼玉梁國學有博士二人天監

四年置五經博士各一人

魏晉宋齊並不置五經博士至此始置焉

舊國子

學生限以貴賤武帝欲招來後進五館生皆引寒門雋

才不限人數陳因之後魏北齊並有之

魏崔逸為國子博士每公事逸

常被詔獨進博士特命自逸始也

隋仁壽元年省國子博士大業三年

復置一人唐增置二人龍朔二年改為司成宣業咸亨

初復舊諸州府亦有經學博士一人 漢舊儀曰孝文

皇帝時博士七十餘人朝服玄端章甫冠 又曰武帝

初置博士取學通行脩博識多藝曉古文爾雅能屬文

章為高第朝賀位次中都官吏稱先生不得言君其弟

子稱門人 應劭漢官儀曰博士秦官也博者通於古

今士者辨於然否孝武建元五年初置五經博士太常

差次有聰明威重者一人為祭酒總領綱紀 增文獻

通考曰宋國子監無博士有直講八人熙寧改為太學

博士元豐定制亦無國子博士大觀元年乃置國子博士四員國子正錄二員與大學官分掌教道中興後置國子博士二員續文獻通考曰金國子博士二員分掌教授生員考藝業又曰元國子博士二員掌教授生徒考校儒人著述教官所業文字又曰明國子監博士五人坐博士廳分經訓教原太學博士杜氏通典曰晉江左增置國子博士十六人謂之太學博士品服同國子博士梁置太學博士八人陳因之後魏亦然

北齊國子寺有太學博士十人後周置太學博士下大夫六人隋初置太學博士五人仁壽元年罷國子惟立太學置博士五人大業三年減置二人唐因之助教後魏置北齊亦有之置二十人後周曰太學助教上士隋又曰太學助教五人大業三年減三人唐因之 增文獻通考曰宋太學博士元豐改直講為之紹聖元年令太學博士正錄令國子監長貳薦舉召試而後除紹興十二年置太學博士三員 原杜氏通典曰廣文館博

士一人助教一人並以文士為之唐天寶九載置四門博士後魏書劉芳表云太和二十年立四門博士於四門置學按禮記曰天子設四學鄭玄注曰四郊之虞庠也今以其遼遠故置於四門請移與太學同處從之北齊二十人隋五人唐三人助教北齊國子寺有二十人隋初則五人唐因之直講四人唐初置無員數長安四年始定為四員大成二十人唐置取貢舉及第人簡聰明者試書日誦得一千言并日試策所習業等十條



通七然後補充仍散官祿俸賜會同直官例給武后長安中省而置直講定為四員 又曰律學博士晉置屬

廷尉衛凱奏請律學博士轉相教授東晉以下因之梁曰胄子律博士屬廷尉陳亦有律博士後魏北齊並有之隋大理寺官屬有律博士八人唐因之而置一人移屬國學置助教一人從九品上 又曰書學博士唐置

三人又置典學二人

貞觀六年正月命整治御府古今工書鍾王等真蹟得千五百一十

卷太宗嘗謂侍中魏徵曰虞世南死後無人可以論書徵曰褚遂良下筆適勁甚得王逸少體太宗即日召令

侍讀常以金帛購求王羲之書蹟天下爭覓古書詣闕以獻當時莫能辨其真偽遂良備論所出一無所誤武后神功元年謂鳳閣侍郎王方慶曰卿家多書台有右軍遺蹟對曰臣七代再從伯祖羲之書先有四十餘紙往貞觀十二年太宗購求先並已進訖臣十一代祖導十代祖洽九代祖珣八代祖曇首七代祖僧綽六代祖仲寶五代祖騫高祖規曾祖褒并九代三從伯祖晉中書令獻之以下二十八人書共十卷今進上后御武成殿斥美羣臣仍令中書舍人崔融為寶章集以叙其事復賜方慶當時以為榮

又曰算學博

士二人典學二人

博士二

原典儀曰公儀休者魯博士也為魯相無所變更百官

自正使食祿者不得與下爭利 漢書曰賈誼洛陽人

年十八以能誦詩屬書稱於郡中文帝召以為博士是  
時年二十餘最為少每詔令議下諸老先生未能言誼  
盡能為之對人人各如其意所出 魯國先賢傳曰漢

文帝時聞申公為詩最精以為博士申公為詩傳號曰

魯詩 漢書曰公孫弘對策時百餘人太常奏弘第居

下天子擢弘對為第一召入見容貌甚麗拜為博士待

詔金馬門 殷氏世傳曰殷亮字子華建武中徵拜博

士遷講學大夫諸儒講論勝者賜席亮重席至八九帝

嘉之曰學不當如是耶李邵別傳曰邵上書太后數

陳忠言其辭不能盡施用輒有策詔褒贊焉博士著兩

梁冠朝會隨將大夫例時賤經學博士乃在市長下公

奏以爲非所以敬儒德明國體也上善公言正月大朝

引博士公府長史前東觀漢記曰桓榮授皇太子經

每朝令榮於公卿前說經上曰得卿幾晚因除博士

又曰薛漢字子公才高名遠兼通書傳無不招覽道術

尤精教授常數百子弟自遠方至者著爲錄 范煜後  
漢書曰董鈞字文伯永平初爲博士時草創五郊祭祀  
及宗廟禮樂威儀章服輒令鈞叅議多見從用爲當世  
通儒 增後周書曰熊安生字植之初仕北齊爲國子  
博士周武帝入鄴安生遂令埽門家人怪而問之安生  
曰周帝重道尊儒必將見我矣俄而帝幸其第詔不聽  
拜親執其手引與同坐謂曰朕未能去兵以此爲愧安  
生曰黃帝尚有阪泉之戰况陛下恭行天罰乎帝又曰

齊氏賦役繁興竭人財力朕救焚拯溺思革其弊欲以  
府庫及三臺雜物散之百姓何如安生曰昔武王克商  
散財發粟陛下此詔異代同美帝又曰朕何如武王安  
生曰武王伐紂懸首白旗陛下平齊兵不血刃愚謂聖  
略為優帝太悅賞賜優厚令隨駕入朝并敕所在供給  
至京 隋書曰馬光隋開皇初高祖徵山東文學之士  
光與張仲讓孔龍竇士榮張買奴劉祖仁等俱至並授  
太學博士時人號為六儒 唐書曰徐曠字文遠博通

五經時耆儒沈重講太學授業常千人文遠從之質問  
不數日辭去或問其故答曰先生所說紙上語耳若奧  
境彼有所未見者尚何觀重知其語召與反覆研辨嗟  
歎其能竇威楊玄感李密王世充皆從受學隋開皇中  
累遷太學博士後歸高祖仍為國子博士高祖幸國學  
親釋奠文遠發春秋題講難風生隨方占對莫能屈帝  
異之又曰陸元朗字德明補太學博士高祖已釋奠  
召博士徐文遠浮屠慧乘道士劉進喜各講經德明隨

方立義徧析其要帝大喜曰三人者誠辨然德明一舉  
輒蔽可謂賢矣賜帛五十匹遷國子博士 又曰鄭虔  
以私撰國史坐謫明皇愛其才欲置左右以不事事更  
為置廣文館以虔為博士虔聞命不知廣文曹司何在  
訴宰相宰相曰上增國學置廣文館以居賢者今後世  
言廣文博士自君始不亦美乎虔乃就職久之雨壞廡  
舍有司不復脩完寓治國子館自是遂廢 又曰韓愈  
再為四門博士才高數詘官又下遷乃作進學解以自



喻 又曰歸崇敬擢明經調國子直講舉博通墳典科

對第一遷四門博士 宋史曰宋處士王昭素博通九

經著易論三十三卷太祖徵為國子博士令講乾卦九

五飛龍在天斂容曰此正當陛下今日之事因示諷諫

太祖大悅又問治世養身之術昭素曰治世莫若愛民

養身莫若寡欲太祖愛其言書於屏几 又曰孔維太

平興國中就拜國子周易博士代還遷禮記博士十七

年使高麗王治問禮於維維對以君父臣子之道升降

等威之序治悅稱之曰今日復見中國之夫子也 又

曰李覺字咸熙太平興國中舉九經起家遷禮記博士  
賜緋魚雍熙三年與右補闕李若拙同使交州黎桓謂  
曰此土山川之險中朝人乍歷之豈不懼乎覺曰國家  
萬里列郡四百地里平易亦有險固此一方何足云哉  
桓默然色沮使還遷國子博士 又曰孫奭字宗古為  
國子監直講太宗召奭講書至事不師古以克永世匪  
說攸聞帝曰此至言也商宗乃得賢相如此邪因咨嗟

久之賜五品服 又曰太宗時判國子監李至上言本

監先校定諸經音疏其間文字訛謬尚多蓋前所遣官  
多專經之士通春秋者未習禮記習周易者不通尚書  
故未得周詳伏見國子博士杜鎬直講崔頤正孫奭皆  
苦心強學博貫九經問義質疑有所依據望令重加刊  
正從之 又曰胡瑗字翌之授光祿寺丞國子監直講  
先是瑗教授湖州教人有法科條纖悉備具慶歷中興  
太學下湖州取其法著為令既居太學其徒益衆太學

至不能容取旁舍處之禮部所得士瑗弟子十常居四五隨材高下喜自修飾衣服容止徃徃相類雖不識者知其為瑗弟子也 又曰孫復字明復范仲淹富弼薦其經術宜在朝廷除祕書省校書郎國子監直講後貶通判未行翰林學士趙鼎等十餘人言復經為人師不宜使佐州縣仍留直講 元史曰尚野字文蔚大德間為國子博士誨人先經學而後文藝每謂諸生曰學未  
有得徒事華藻若持錢買水所取有限能自鑿井及泉

而汲之不可勝用矣 明獻徵錄曰趙俶字本初洪武

六年除國子博士既教胄子隨扣輒應莫不樂得經師  
上一日御奉天殿俶偕諸儒侍側召至前諭之曰經學  
必宗孔子毋以儀秦縱橫語示諸生也俶頓首謝歸告  
誡士子屏去戰國策諸書勿讀明年詔擇諸生之聰悟  
能文者二十五人命俶領而顓敎之且令修詞以漢司  
馬遷班固唐韓愈宋歐陽修蘇軾為法尋於諸生中擢  
李擴黃義等入文華武英二堂說書多至大用俶自專

師席旦夕誨迪不倦士多成業

博士三

增給札

被酒

宋史曰徽宗時陳暘為太學博士禮部侍郎趙挺之言暘所著樂書二十卷貫

穿明備乞援其兄祥道進禮書故事給札

又曰郭忠

恕周廣順中為宗正丞兼國子書學博士改周易博士

建隆初被酒與監察御史符昭文競於朝堂

原稽同

御史彈奏忠恕叱臺吏奪其奏毀之坐貶

異

辨然否

漢官解詁云博士稽合同異講語五始下詳漢官儀

延問得失

用質疑滯

漢書云翼奉字少君治齊詩與蕭望之匡衡同師元帝初即位諸儒薦之徵待詔宦

者署數言事晏見天子敬焉後遷博士上延問得失晉中興書陳郡謝錄云謝沉字行思時朝議七廟毀於

是徵太學博士用質疑滯

儒者高之學人遠至

續漢書云桓榮為博士榮之官

車駕親幸儒者高之謝承後漢書云路仲翁好學家居受學者自遠方而至上聞其名徵為博士

長

孺通尚書

仲舒治春秋

漢書云韋賢字長孺為人質樸少欲篤志於學兼通禮尚

書以詩教授號稱鄒魯大儒徵為博士又云董仲舒以治春秋孝景時為博士下帷講誦弟子以久次相授

或不見其面

災異問子思

大議訪范叔

又云平當字子思以明經為博

士每有災異輒傳經術言得失也東觀漢記云范叔遷博士每有大議輒見訪問

高堂議饗

會叔孫起朝儀

魏志云高堂隆字叔平為博士文帝初踐阼羣臣或以為宜饗會隆曰唐

虞有遏密之哀高宗有不言之思是以至德雍熙光於四海以為不宜為會帝敬納之史記叔孫通為博士

號稷嗣君徵魯諸生共起朝儀

子叔善蒼雅

孝友通字指

魏略云邳鄆淳

字子叔博學有文章又善蒼雅蟲篆許氏字指初平時從三輔客荊州荊州內附太祖素聞其名召與相見甚

敬異之以淳為博士又云蘇林字孝友博學多通古今字指凡諸書篆文間危疑林皆釋之黃初中徵拜為

博士孔光奉使稱旨江統學義著名漢書孔光傳云成帝即位舉光

為博士數使錄冤獄行風俗賑贍流民奉使稱旨由是知名以高第為尚書王隱晉書云江統字應元以學

義著名為國子博士朱雲登堂論難子華重席講學漢書朱雲傳云

雲字游是時少府五鹿充宗貴幸為梁丘易自宣帝時善梁丘氏說元帝好之令充宗與諸易家論充宗乘貴

辨口諸儒莫能與抗有薦雲者召入攝齊登堂抗首而請音動左右既論難連拄五鹿君故諸儒為之語曰五



鹿嶽嶽朱雲折其角由是  
為博士 下詳殷氏世傳

## 博士四

原射策甲科

漢書云匡衡射策甲科為博士

四海淵源

漢成帝紀陽朔二年詔曰

古之立太學將以成先王之業流化於天下也儒林之官四海淵源宣明古今溫故知新通達國體故謂之博士

瘦羊博士

東觀漢記云甄宇拜博士每臘詔賜博士人一羊羊有大小肥瘦時議欲殺羊

分肉宇因取瘦者自是不復爭後召會詔問瘦羊博士所在京師因以為號

上言制樂

續漢

書云魯充為博士受詔議立七部三雍大射養老

道之淵藪

魏志云高柔字文惠明帝時博

士執經系上疏曰博士者道之淵藪六藝所宗宜隨學行優劣待以不次之位

端委佩玉

晉

興書曰博士之職非徒博習舊說訓教學徒而已端委佩玉朝之大典必詢度之

闡弘胄子

晉起居注咸寧二年詔曰甄城公曹志為篤行道履先覺宜在儒林闡弘胄子

叅訓國子

晉中

興書荀崧上疏云國子博士一則應對殿堂奉酬顧問二則以參訓國子

禮義所寄

晉中興書

郭璞云秦博士典教職禮儀所寄也

增長於樂府

唐書曰張籍第進士韓愈薦為博士為詩

長於樂府

稱九經庫

又曰谷那律貞觀中遷國子博士淹識羣書褚遂良嘗稱之為九經庫

被詔獨進

後魏崔景雋好古博涉以經明行脩為高祖所知賜名為逸遷國子博士每有公事

逸嘗被詔獨進博士特命自逸始

顧見講坐

宋史曰端拱元年初令學官講說太宗幸國子

監謁文宣王畢升輦將出西門顧見講坐左右言博士李覺方聚徒講書上即召覺令對御講覺曰陛下六

在御臣何敢輒升高坐上因降輦令有司張帝幕設別座詔覺講周易泰卦從臣皆列坐覺因述天地感通君臣相應之旨上甚悅特賜帛百匹

### 說經苑中

又曰真宗嘗訪達經義者李至以直講崔頤正

對帝曰朕無事樂聞講誦翌日召頤正於苑中說尚書大禹謨賜以牙緋自是日令赴御書院待對說尚書至十卷頤正年老步趨艱難表求致仕

### 書畫博士

又曰米芾召為書畫學博士詔賜應對便殿

### 砥礪詞章

明獻徵錄曰徐禎卿字昌國始舉進士為大理評事不能其職已而降為五經博士

與李夢陽何景明數子友相與砥礪詞章既殫力精思而傑然有立

### 當代稱博物

隋書

類字景文二十尚不知書為其兄顯所責怒乃感激讀書歎曰書無不可讀者勤學累載遂徧通五經周武帝引為露門博士每有議決多賴所為而性識甄明精力不倦好讀諸子徧記異書當代稱為博物開皇中授國

子博

弟子如朋友

元史曰黃潛為國子博士視弟子如朋友未嘗以師道自尊輕納人

拜而來學者滋益恭

孔氏世為博士

闕里志曰孔子之後孔慎生鮒為陳涉博士鮒弟子

襄為孝惠博士襄生忠忠生武及安國安國生延年皆以治尚書為武帝博士延年生霸亦治尚書昭帝末年

為博士霸生光經學尤明成帝初即位舉光為博士

原張禹經學精習

漢書張禹傳云

太子太傅蕭望之奏禹經學精習舉為博士

魯平兼通五經

東觀漢記云魯平字叔陵

專心於學朝夕孜孜兼通五經

張元兼通數家

又云張元字君夏為博士其學兼通數家

長卿以詩教授

漢書曰薛廣德字長卿以魯詩教授楚國龔勝舍師事焉蕭望之為御史

大夫除廣德為屬數與論議器之薦廣德經行宜充博士論經石渠

陳元博士第一

華嶠

後漢書陳元字襄孫時議欲立左氏傳博士范升奏以  
為左氏淺末不宜立元聞之乃詣闕上疏力爭更相辨

對凡十餘上帝卒立左氏學

**曹褒陳制禮儀**

後漢曹

太常遜博士四人元為第一

士會肅宗制定禮樂乃上疏曰昔者聖人受命而王莫  
不制禮作樂以著功德功成作樂化定制禮今皇天降

祉嘉瑞並臻制作之符甚於言語宜定文制著

**增戴**

成漢禮事下太常上不可許復上疏陳制禮儀

**憑解經不窮**

戴憑習京氏易年十六郡舉明經徵試博  
士拜為郎憑曰博士說經皆不如臣而坐

居上是以不得就席帝召郎上殿令與諸儒難說多所

解釋帝善之拜為侍中後正旦賀百僚畢集帝令羣臣

能說經者更相詰難義有不通輒奪其席以益通者

憑遂重坐五十餘席京師語曰解經不窮戴侍中

**原樂詳五業並授**

魏略曰樂詳字文裁少好學黃初中  
徵拜博士於時太學初立有博士十

餘人學多褊狹又不熟悉略不親教備員而已惟詳五  
業並授或遇難解質而不解詳無愠色以杖畫地牽譬  
引類至忘寢食

盧浮脩行明經

晉起居注云武帝太熙元年詔曰盧浮脩行明經以為國

子博

增賈至請廣學員

唐書曰肅宗時賈至議今鄉

子博士員十道大州得置太學館詔博士領之召置生  
徒使在桑梓者鄉里舉焉在流寓者庠序推焉議者多

附其

老師宿儒恥出其下

本傳孔穎達大業初舉明

帝召天下儒官集東都詔國子秘書學士與論議穎達  
為冠又年最少老師宿儒恥出其下陰遣客刺之匿楊  
玄感家  
得免

博士五

增詩唐杜甫贈鄭虔博士詩曰諸公衮衮登臺省廣文  
先生官獨冷甲第紛紛厭梁肉廣文先生飯不足先生  
有道出羲皇先生有才過屈宋德尊一代常坎軻名垂  
萬古知何用杜陵野客人更嗤被褐短窄鬢如絲日糴  
太倉五升米時赴鄭老同襟期得錢即相覓沽酒不復  
疑忘形到爾汝痛飲真吾師清夜沉沉動春酌燈前細  
雨檐花落但覺高歌有鬼神焉知餓死填溝壑相如逸  
才親滌器子雲識字終投閣先生早賦歸去來石田茆

屋荒蒼苔儒術於我何有哉孔丘盜跖俱塵埃不須聞  
此意慘愴生前相遇且銜盃 宋王安石再至學省作  
詩曰平生擾擾復膠膠學省重來歲又交騎馬醉遭官  
長罵讀書慚被學生嘲何為眷戀米五斗便可經營把  
一茆好買江干千個竹待看烟雨長春梢 明祭酒陳  
敬宗贈典籍趙魯詩曰充棟羣書萬玉林縱觀窺見聖  
人心每隨松影移瑤席時對梅花奏綠琴但學古人敦  
素履不同時俗論浮沉公餘最是怡情處青鳥時時送



好音

增敕明太祖敕國子監博士錢宰致仕敕曰朕昔勘定  
四方即開學校延師儒俾勛賢之子弟凡民之俊秀莫  
不從學教之以經史六藝明體適用布列中外以共保  
太平於無窮國子學助教錢宰學問老成訓導有方在  
學數年綽有成效朕方嘉諸生有所矜式而年滿七十  
懇辭還鄉特授文林郎國子博士致仕爾尚師表一鄉  
訓誘後進以裨治政庶幾不愧卿大夫之教則朕猶有

望焉

原箴漢揚雄博士箴曰洋洋三代典禮是脩畫為辟雍  
國有學校侯有泮宮各有攸教德用不陵昔在文王經  
營其軌勛於德音而思皇多士多士作楨惟周以寧國  
人興讓虞芮質成公劉挹行潦而濁亂斯清官操其業  
士執其經昔聖人之綏俗莫美於斯化故孔子觀夫人  
之學而知為王之易大舜南面無為而衽席平還師階  
級之間三苗以懷秦作無道斬決天紀漫彼王迹而坑

# 術士

原表梁丘遲為王博士讓表曰臣聞撫臆可以言心量能則知所止是故矯親魯門簡業事亡雜吹齊雅分聲遽逝臣才行過汙文質無廉疎達謝於谷杜浹洽乖夫劉楊非除郅養之勤豈通掌故之業

增記唐柳宗元四門助教廳壁記曰周人置虞庠於四郊以養國老教胄子祭統曰天子設四學蓋其制也易傳太初篇曰天子旦入東學晝入南學夕入西學暮入

北學蔡邕引之以定明堂之位焉大戴禮保傳篇曰帝  
入東學以貴仁入南學以貴德入西學以貴信入北學  
以尊爵賈生述之以明太子之教焉故曰為大教之官  
而四學具焉叅明堂之政原大教之極其建置之道弘  
也後魏太和中立學於四門置助教二十人隋氏始隸  
於國子而降置五人國朝始合於太學又省至三人員  
位彌簡其官尤難非儒之通者不列也四門學之制掌  
國之上士中士下士凡三等侯伯子男凡四等其子孫

之爲胄子者及士庶人之子爲俊士者使執其業而居其次就師儒之官而考正焉助教之職佐博士以掌鼓篋榘楚之政令分其人而教育之其有通經力學者必於歲之杪升於禮部廳簡試焉

### 學生

原順帝二百人

胡伯始漢官儀云順帝時學生二百人

丙科補文學

又云

弟子丙科補文學

郭憲遊志太學

汝南先賢傳云郭憲字子橫體忠烈之節遊志太學

貫通秘典光武嘉之

孔嵩遊集帝學

謝承後漢書云孔嵩字仲山與范式俱在太學

下牀以拜仇香

後漢書仇香傳云香在太學符融與郭泰齋刺就房謁之遂請留宿泰嗟歎下

牀為拜

仇香不與賓言

又云仇香在太學符融與香比

與賓客言融奇之乃邀與之語香高揖正色曰天子設太學豈但使人遊談

漢末至五千

人摯虞決疑要注云漢末弟子五千入與博士習禮儀

通二經補文學

又云弟子滿二

歲通二經者補文學掌故

通一經稱弟子

又云魏時募學者好誦太學為門人滿三年通

一經者稱弟子

上書以請嵇康

王隱晉書云晉父王上書請嵇康為博士

增踵

堂八千餘人

唐太宗時太學四門學小學三學生至三千二百四方秀艾挾策負素空集京師文

治惛然勃興於是新羅高昌百濟吐蕃高麗等國並遣子弟入學鼓箏堂者凡八千餘人雖三代之盛所未

聞也 能通一經入貢 唐書云自此營飛騎皆給博士授經能通一經者聽入貢限

能通一經署吏 又云其三學諸生署吏 諸生閉之空舍 又云

何蕃和州人事父母孝學太學歲一歸父母不許間二歲乃歸復不許凡五歲慨然以親老不自安揖諸生去乃共閉蕃空舍中衆共狀蕃義白陽城請留之 伏闕請留李綱 宋史曰陳東

京梁師成等六賊及罷李綱復率諸生伏宣德門上書軍民從者數萬傳旨慰諭者旁午衆莫肯去喧呼震地因亟命綱入復領行營遣撫諭乃稍引去高宗即位東復上書爲汪潛善等譖殺之 上書攻賈似道 又曰葉李字太白少賈似道復入相益驕恣自顯中外無敢指議李乃與同舍生康祿而下八十三人伏闕上書攻似道似道大怒

知書橐出於李族其黨誣以罪竄漳州似道死乃得自便

別爲書薦其人

元史曰故事伴

讀生以次出補吏莫不爭先出時有一生親老且貧同舍生有名在前者因博士以告祭酒曰我齒頗少請讓之祭酒劉廌曰讓德之恭也從其讓別爲書薦其人朝廷反先用之自是六館之士皆知讓之爲美德也

積分可得文學之士

又曰國學舊法每以積分次第貢以出官執政用監丞張起巖議欲

廢之而以推擇德行爲務許有壬爲中書左司員外折之曰積分雖未盡善然可得博學能文之士若擇德行其名固佳恐皆厚貌深情意外飾或憊不能識丁矣

御定淵鑑類函卷九十五



欽定四庫全書薈要卷一萬一千五百四十四

子部

御定淵鑑類函卷九十六

設官部三十六

少府監 少監 丞 主簿 中尚  
署 織染署 掌冶署 暴室等丞

增文思院 綾錦院 染院 裁造院 文繡院  
符節令附 將作監 丞 主簿 左校署 右

校署 甄官署 中校署 東園主章令 增脩  
內司 東西八作司 竹木務 事材場 麥類

場 蜜務 丹粉所 作坊物料庫 退材場  
簾箔場附 軍器監 丞 主簿 甲坊署 弩

坊署 增東西作坊 作坊物料庫 皮角場附  
都水使者 丞 主簿 舟楫署 河渠署附

內侍省 內侍 內常侍 內給事 內寺伯  
掖庭局 宮闈局 奚官局 內僕局 內府

局 增入內侍省 內侍省 御藥院 內東  
門司 合同憑由司 管勾往來國信所 後院

司 造作所 龍圖天章寶文閣 勾當 軍頭引見  
翰林院 勾當官 內使監 尚宮局 尚衣

局 尚服局 尚食局 尚寢局 正功局 宮  
正司 內官監 神宮監 尚寶監 尚衣監

尚膳監 司設監 司禮監 御馬監 直殿監  
宮門承制 宮門守門官 內承運庫 司鑰

庫 巾帽局 針工局 織染局 顏料局 司  
苑局 司牧局 內官十一監 大長秋 內謁

者監附

少府監一 少監 丞 主簿 中尚署 織染署  
掌治署 暴室等丞 文思院

綾錦院 染院 裁造院  
文繡院 並附

原杜氏通典曰少府秦官漢因之是為九卿掌山海池

澤之稅以給供養

應劭曰山海池澤之稅名曰禁錢以給私養自別為藏少者小也故稱少

府顏師古曰大司農供軍國之用少府以養天子也天子曰少府諸侯曰私府漢時官有私府長掌禁錢後光武改屬司農也後漢少府卿一人掌中服御之諸物衣

服寶貨珍膳之屬朝賀則給璧

後漢東平王蒼為驃騎正朔朝蒼當入賀故

事少府給璧時陰就為少府驕慢不奉法漏將盡而求璧不得蒼掾朱暉遙見少府主簿持璧乃往給曰試請觀之既得而馳奉之就復以他璧朝給音徒改反凡中書謁者尚書令僕射中

常侍黃門御史中丞以下皆屬焉晉制銀章青綬五時

朝服進賢兩梁冠絳朝服佩水蒼玉哀帝末省并丹陽  
尹孝武復置宋少府領左右尚方御府東冶南冶平準  
等令丞齊又加領左右銀鍛署梁少府為夏卿位視尚  
書左右丞陳因之後魏少府謂之六卿

以少府宗正太僕廷尉司農鴻臚

臚為六卿

至孝文太和中易制官品遂改少府為太府北齊

無少府其尚方等署皆隸太府至隋煬帝大業五年又  
分太府為少府監置監及少監復領尚方織染等署後  
又改監少監並為令唐武德初置軍器監廢少府監貞

觀元年五月分太府中尚方織染坊掌冶坊署置少府

監龍朔二年改為內府監咸亨元年復舊光宅元年改

為尚坊監神龍元年復舊監一人

總判

少監二人

通判初少監一

人太極元年

領中尚左尚右尚織染掌冶等五署

開元十年五月

於北都置軍器監  
二十六年五月廢

丞漢有六人後漢省五而有一人

其後歷代皆一人

山公啓事曰中郎衛昱往為少府丞甚有損益後坐賣渝石事免官今太

子門夫缺不審  
可參選不也

唐置四人

主簿晉置二人自後歷代

一人唐有二人

中尚署周官為王府秦置上方令漢

因之後漢主作手工作御刀劍玩好器物及寶玉作器

官者蔡倫為尚方令監作祕劍及諸器械莫不精工堅密為後代法兩漢又有考工令主

作兵器其職稍同

考工令作兵器兵器成則傳執金吾入武庫及主織綵諸雜工初屬少府

中屬主爵光武時屬太僕

漢末分尚方為中左右三尚方魏晉因之

自過江惟置一尚方哀帝以隸丹陽尹宋武帝踐祚以

相府作部配臺謂之左尚方而本署謂之右尚方並掌

造軍器又以相府細作配臺即其名置令一人隸門下

孝武大明中改曰御府

御府二漢已有之典官婢作藝衣服補浣之事魏晉猶置其職

江左乃省焉

後廢帝初省御府置中署隸右尚方則漢之考

工令如宋之尚方令尚方令如宋中署矣齊置左右尚

方令各一人梁有中左右尚方北齊亦有三尚方隸太

府隋煬帝分隸少府唐省方字有中左右三尚署令丞

各一人

中署掌宮內營造雜作左署掌車輦織扇膠漆畫鏤等作右署掌皮毛膠墨雜作席薦等事開

元以後別置中尚使以監之

織染署令一人周禮天官典絲掌受

文質采組焉染人掌染線帛秦置平準令

韋昭釋名曰平準令主染

色染有均平之法故準而則之

漢因之及主物價練染初少府屬官有

東織西織成帝省東織更名西織爲織室北齊中尚方  
領涇州雍州絲局定州細綾局丞後周有司織下大夫  
隋有司織司染二署煬帝合爲織染一署令掌織經組  
綾綾錦冠幘并染色等唐因之有令丞 掌治署秦及

漢郡國有鐵官

諸郡國出鐵者  
置鐵官長丞

晉治令掌工徒鼓鑄隸

衛尉江左以來省衛尉始隸少府宋有東冶南冶各置  
令丞一人而屬少府齊因之江南諸郡縣有鐵者或置  
冶令或置冶丞多是吳所置梁陳有東西冶

東冶重西  
冶輕其西



治即宋齊之南治

北齊諸治屬太府後周有治工鐵工中士隋

有掌治署令丞唐於京師置治署有令丞各一人掌造

鑄金銀銅鐵塗飾琉璃玉作等事

暴室丞

後漢暴室丞官者也

主中婦人疾病者就此室理之其皇后貴人有罪亦就此室屬少府其後無之

海丞漢平帝置少府海丞

一人掌海稅後無

果丞

與海丞同置掌諸果實後無

增文獻通考曰宋少府監判監事一人以朝官充凡天

子器玩后妃服飾雕文錯彩工巧之事分隸於文思院

後苑造作所本監但掌造門戟神衣旌節郊廟諸壇祭

玉法物鑄牌印朱記百官拜表案褥之事諸州鑄錢監並屬少府監官各一人以京朝官及三班使臣充元豐正官制置監少監丞主簿各一人掌百工伎巧之政令所隸官屬五 文思院掌造金銀犀玉工巧之物金綵繪素裝鈿之飾以供輿輦冊寶法物及凡器服之用監官文臣一員武臣二員 綾錦院掌織絳錦繡以供乘輿及凡服飾之用監官三人以京朝官諸司使副及內侍充 染院掌染絲枲幣帛監官二人以京朝官及內

侍充 裁造院掌裁造服飾監官二人以京朝官及內  
侍充 文繡院掌纂繡以供乘輿服御及賓客祭祀之  
用建炎初以將作少府監并歸工部紹興三年復置將  
作監少府事總焉 續文獻通考曰金少府監置監正  
少監各一人丞二人尚方織染文思裁造文繡等署隸  
焉元世祖至元十九年以大都留守兼知少府監事二  
十一年并少府監於留守司其屬亦備於留守司而中  
尚監乃特立者又創章佩監明初設文思院等衙門掌

造作諸事後俱裁革以其事歸工部凡少府將作等監皆不設

### 少府監二

原紀經九品

見揚雄歲

考定百工

傅玄太尉楊彪銘曰莅於少府考定百工

君高大儒

東觀漢記曰牟長字君高建武中拜少府詔曰少府大儒不失法度其見優如此

義山通士

魏書秦子曰或云故少府楊阜豈非忠臣哉見人主之非則勃然怒而觸之與人言未嘗

不道也豈非所謂王臣蹇蹇匪躬之故者歟荅曰然可謂通士忠則吾不知也

掌服御衣物

掌山海池澤

並詳通典案少府中二千石屬官有尚書符節太醫太官湯官導官樂府若盧

考工室左弋居室甘泉居室左右司空東織西織東園  
匠十二官令丞又胞人都水均官三長丞又上林中十  
池監又中書謁者黃門鉤盾上方御府永巷內  
者宦者八官令丞諸僕射署長中黃門皆屬焉  
**薛宣**

**兼數器**

漢雜事曰薛宣為少府谷永上  
書薦宣曰才茂行潔身兼數器

**王湛有容止**

襄陽記曰王湛為  
少府有容止操行

**統尚方御府**

魏志曰王觀為少府  
曹爽使材官張達所

家屋材及諸私用之物觀聞之皆錄奪以沒官少府統  
三尚方御府內藏玩弄之寶曹爽等奢放多有干求憚  
觀守法乃徙  
**楊阜數諫爭**  
魏書曰楊阜字義山遷少  
府每朝廷會議常侃然以

為太僕也

天下為已任數諫爭不聽屢  
乞遜位未許會卒家無餘財

**常林性清白**

魏志曰常  
林文帝時

為少府林性既  
清白當官又嚴

**增兼領將作少府**

唐書曰韋弘機為  
司農卿時省惜常

費給修隋代宮室高宗大悅詔  
兼將作少府二官又詳司農卿

詔為將作少府

詳祕書少

監

少府權領鉤考

宋史錢暄惟演子知台州進少府監權鹽鐵副使鉤考諸路逋租南

浙轉運使負課當坐暄上言浙部仍歲饑故租賦不登  
籍今使者獲罪必亟斂於民民不堪矣神宗即詔釋之

監丞得預修纂

又曰呂文仲字子臧太宗時稍遷少府監丞預修太平御覽廣輿記文苑

英華

原公孫賀儒學為少府

漢書百官公卿表曰武帝建元六年公孫賀以儒學

為少

鮭陽鴻名儒拜少府

東觀漢記曰鮭陽鴻字孟孫為世名儒永平中拜少

府

蔡義以光祿大夫為少府

漢書百官公卿表曰蔡義以光祿大夫為少府

孔融以將作大匠為少府

續漢書曰孔融字文舉建安中以將作大匠為少府

案孔融遷少府每朝會訪對輒引  
正定議公卿大夫皆隸名而已

### 少府監三

原箴漢揚雄少府箴曰實實少府奉養是供紀經九品  
臣子攸同海內幣帑祁祁如雲家有孝子官有忠臣其  
僚率舊聖則越遵民以不擾國以不煩昔在帝季癸辛  
之世酒池糟隄而象箸以嗜至於耽樂沉湎而姐妹作  
崇其寮不御不恢夏殷喪其國康而卒以陵遲嗜不可  
不察欲不可不圖未嘗失之於約嘗失於奢府臣司共

# 敢告執觚

## 符節令

御府上方諸令并載

### 原少府屬官有符節令

漢書百官公卿表曰少府官屬有符節令御府令尚方令續漢

書百官志云少府屬

官有守宮令考工令

### 秩千石

董巴漢中官傳曰符節守宮令禁內署令秩千

石兩梁集

賢冠也

### 掌藝物

續漢書百官志曰內者令一人秩六百石掌上用巾布諸藝物焉

### 掌器物

又曰掌上手工作御刀劍諸好器物及金玉作器也

### 領符璽郎

漢舊儀曰

符節令領尚書符璽郎中四人

### 主符節事

續漢書百官志曰符節令一人六百石為符節臺率

主符節事

### 主作器械

漢書百官公卿表曰少府屬官有若盧考工室如淳注曰若盧官名也按



臣瓚曰冬官為考工主作器械也

典作衣服

續漢書百官志曰御府令宦者典官婢作中衣

服及補浣之屬

主御紙筆

又曰守宮令一人六百石主御紙筆墨及尚書財用諸物及封泥

珍玩是聚

崔實尚方令箴曰煌煌尚方古之玉府九貢是鍾珍玩是聚

宣命重

威

漢舊儀曰周禮有典瑞掌節之士蓋所以宣命重威為國信者也

將作監一

丞主簿左校署右校署甄官署中校署東園主章令

增修內司

東西八作司竹木務事材場

麥鬲場

蜜務丹粉所作坊物料庫

退材場

簾箔場並附

原杜氏通典曰今將作亦少皞氏以五雉為五工正以

利器用

維有五種故曰五維

唐虞共工周官考工之官蓋其職也

秦有將作少府掌治宮室漢景帝中元六年更名將作

大匠後漢位次河南尹中元二年省以謁者領之章帝

建初元年復置初以任隗為之掌修作宗廟路寢宮室

陵園木土之功并樹桐梓之類列於道側

後漢志注曰古者列樹以

表道魏晉因之江左至宋齊皆有事則置無事則省而梁

改為大匠卿陳因之後魏亦有之北齊有將作寺其官

曰大匠

兼領功曹主簿長史司馬等官屬

後周有匠師中大夫掌城郭

宮室之制又有司木中大夫掌木工之政令隋與北齊

同至開皇二十年改寺為監大匠為大監初加置副監

煬帝改大監少監為大匠少匠五年又改為大監少監

十三年又改為大令少令唐復皆為匠龍朔二年改將

作為繕工監大匠小匠隨監名改咸亨元年初復舊光宅元年改

為營繕監神龍元年復舊大匠一人總判少匠二人通判

人太極元年加置一人天寶中改大匠為大監少匠為少監領左

校右校甄官中校四署 丞漢有二人後漢一人魏晉

因之東晉以後有事置無事省梁又置一人陳因之後  
魏有之北齊四人後周曰匠師中士隋二人唐四人

主簿晉置自後與丞同隋二人唐因之 左右校署秦

及漢初有左右前後中五校令後惟置左右校令後漢

因之掌左右工徒

後漢度尚自右校  
令擢拜荊州刺史

魏并左校右校於

材官晉左右校屬少府宋以後並有左右校令丞北齊

亦有之隋左右校令丞屬將作唐因之左校署令丞二

人

掌營構木作  
採材等事

右校署令丞二人

掌營土作瓦泥并  
燒石灰厠澗等事

甄官署令丞一人後漢有前後中甄官令屬將作晉有甄官署掌甄瓦之事宋齊北齊隋悉有之唐因之掌營甄石瓷瓦中校署令秦漢有自後無唐置令丞各一

人掌舟車雜兵仗廩牧東園主章令漢有之武帝更

名木工

如淳曰章謂木材也舊將作大匠主材史名章曹掾顏師古曰今之所謂木鍾者蓋聲之轉耳

東園主章掌材以供東園匠東園匠官名主作陵內器物屬少府唐無增文獻通考曰宋將作監判監事一人以朝官以上充凡土木工匠之政隸三司修造案本

監但掌祠祀供省牲牌鎮石炷香焚版幣之事元豐正  
官名置監少監各一人丞主簿各二人掌宮室城郭舟  
車營繕之事凡出納籍帳歲受而會之上於工部所隸  
官屬十 修內司掌宮城太廟繕修之事監官二人以  
朝官及內侍充 東西八作司掌京城內外繕修之事  
勾當官各三人以京朝官諸司使副充 竹木務掌受  
諸路水運材植抽算商販竹木以給營造勾當官一人  
以京朝官充 事材場掌計度材物前期樸斲以給營

造監官二人以京朝官三班使臣充 麥麩場掌受京

畿諸縣夏租麴麩以給圻塹監官一人以三班使臣充

密務掌陶土為甗瓦以給營繕及鉗缶之用監官三

人諸司使副充 丹粉所掌燒變丹粉以供繪飾監官

一人內侍充 作坊物料庫掌儲積財物以備給用監

官三人以京朝官及內侍三班使臣充 退材場掌受

京城內外退棄材木掄其長短曲直中度者以給營造

及薪爨監官一人以京朝官充 簾箔場掌抽算竹木

蒲葦以供簾箔之用監官二人以京朝官充建炎初與少府俱并歸工部紹興三年置將作監少府事總馬隆興初宮室無所營繕職務簡省百工器用屬之文思院上下界隸工部本監惟置丞一員餘官虛而不除乾道以後人才盛多監少丞簿無闕凡臺省之久次與郡邑之有聲者悉借徑於此號為儲才之地而營繕之事多俾府尹畿漕分任其責續文獻通考曰金將作監不設元將作院置院使七員又置同知同僉院判以下等



員掌成造金玉珠翠冠佩器皿織造刺繡等事而修建  
宮殿事務中統二年立宮殿府專掌營繕至元十九年  
以其事屬大都留守司將作所屬歸之明不設

### 將作監二

原漢書曰將作大匠馬延年成帝以勤苦賜秩二千石  
東觀漢記曰建武八年始置將作大匠自任隗始

應劭漢官儀曰世祖中興以謁者領其官章帝建初元  
年乃置真位次河南尹永元七年大匠應慎字仲華上

言百郡計吏觀國之光而舍逆旅崎嶇私館貢篚之物  
朽濕暴露朝會邈遠事不肅給昔晉國霸之盟主耳舍  
諸侯於隸人鄭子產以為大譏況今四海之大而可無  
乎和帝嘉納之即創業焉 汝南先賢傳曰應仲華為  
將作大匠發摘姦伏除藻飾割浮費凡所省息七億餘  
萬 華嶠漢書曰劉寵拜會稽太守除省煩苛徵為將  
作大匠有老叟五六人人齎一百錢送寵寵為一人受  
一文大錢 續漢書曰孔融以將作大匠遷少府 魏

志曰楊阜遷將作大匠時初治宮殿發美女充後庭阜  
上疏欲省宮人諸不見幸者乃召御府吏問後宮人數  
吏守舊令對曰禁密不得宣露阜怒杖吏一百數之曰  
國家不以九卿為密反與小吏為密乎帝聞而愈敬憚  
增唐書曰姜師度為將作大匠師度喜渠漕所在徭  
役紛紜不能皆便然所就必為後世利是時太史令博  
孝中以知星顯時為語曰孝中知仰天師度知相地  
又曰楊務廉為將作少匠以工巧進宰相袁恕已恐啓

游娛侈麗之漸言於中宗曰務廉忠信嘉謨不聞而專

營下以媚上不斥之無以昭德乃授陵州刺史 又曰

開元時郭虔瓘請募關中兵萬人擊餘寇將作大匠韋  
湊上言漢徙豪族以實關中今畿輔戶口逋耗不宜更

募驍勇以空畿甸從之 胡澹菴集曰李大有字仲謙

除將作監丞營繕不奢侈用事者意奪其官上察其不  
阿詔勿奪西北用兵國力大屈朝廷署司講議以漁利  
又詔天下計稅輸免夫錢百姓騷然公極言其不可

# 將作監三

增解褐授

進對除

宋制進士解褐授將作監丞如李迪舉進士第一授將作監丞王魯

試禮部廷對皆第一以將作監丞通判淄州也宋史曰薛顏字彥

回中第爲嘉州司戶參軍代還引見太宗顧問之對稱旨改將作監丞

原掌作宗廟

經構宮室

續漢書百官志曰將作大匠秩二千石掌修作宗廟下見揚雄大匠歲

增築

淖爲橋梁

灌河收棄地

唐書曰閻立德從太宗征遼淖不可通乃築道爲橋梁賜

予良厚也

又曰姜師度徙同州刺史派洛灌朝邑河西二縣開河以灌通靈陂收棄地二千頃爲上田置十

餘屯明皇幸長春宮嘉其功下詔褒美進將作大匠

以丞兼治監事由簿上

執國政

宋史曰隆興以來上躬履儉約宮室無所營繕器用不作職務益省於是長貳久闕勾稽之職

亦復不除獨以丞兼治監事

宋蘇峴將作監廳壁記

曰凡三十年間由主簿歷陞上執國政者二人持從索

者九人亦可謂盛矣

漢尊任隗始爲置員  
晉寵王彬且聞賜

爵見白

帖

### 將作監四

原豪猾累跡

華嶠漢書曰應慎爲將作大匠發衆奸皆極其刑豪猾吏累跡視事五年省費以億

萬

躬親作事

謝承後漢書曰陳球字伯直爲將作大匠桓帝崩營寢陵躬親作事爲士卒先

百工畢力

巡行病徒

續漢書曰曹褒遷將作大匠時有疾疫褒巡行病徒爲致醫藥經理餽粥

多蒙濟活七年  
遷為河南太守

勤勞賜爵

晉中興書曰瑯琊王彬為將作大匠帝以其勤勞爵

闕內

增賜進士第

宋史曰唐詢以父任為將作監主簿天聖中詔許天下士獻文章應

詔者百數有司第其善者詢數人而已詔賜進士及第

獻東封賦

又曰范諷字補之以廕補

將作監主簿獻東封賦遷太常寺奉禮郎

掘地得古尺

晉書曰將作大匠陳總掘地得古尺

上書奏今尺長於古尺宜以古為正潘岳以為習用已久不宜復改

機巧為將作大匠

唐書曰閭諫字立德以工藝進與弟立本皆機巧有思貞觀初歷將作後即洪州造為浮海大航百艘遂從征

遼

原李固遷大匠常推賢進士

續漢書曰李固遷將作大匠常推賢進士

魏霸為大匠皆懷恩竭節

東觀漢記曰魏霸為將作大匠吏皆懷恩人自竭節

作業無譴過之事也

工無虛張之繕徒無饑寒之色

東觀漢記曰鄧豹字

伯庠遣大匠工無虛張之繕徒無饑寒之色

### 將作監五

原箴漢揚雄將作大匠箴曰侃侃將作經構宮室牆以禦風宇以蔽日寒暑攸除鳥鼠攸去王有宮殿民有宅居昔在帝世茆茨土階夏卑宮觀在彼溝洫桀作瑤臺紂為璇室人力不堪而帝業不卒詩咏宣王由儉改奢春秋譏刺書彼泉臺兩觀雉門而魯以不恢或作長府



而閔子不仁秦築驪阿嬴姓以顛故人君無云我貴棖  
題是遂毋云我富淫作極游在彼牆屋而忘其國戮作  
臣司匠敢告執猷

軍器監

丞

主簿

甲坊署

作坊署

物料庫

皮角場附

原杜氏通典曰後周武帝四年初置軍器監唐武德初  
置軍器大監貞觀元年罷軍器監大監置少監後省之  
以其地隸少府監為甲弩坊開元初復以其地置軍器  
使至三年以使為監更置少監一員丞二員主簿一員

錄事一員及弩坊等署十一年悉罷之復隸少府爲甲

弩坊十六年移其名於北都置軍器監

亦嘗以太原尹兼領

天寶

六載復於舊所置軍器監監一人領甲坊弩坊兩署

丞主簿各一人唐置 甲坊署令丞周禮考工記曰函

人爲甲隋少府有甲鎧署唐改焉

弩坊署令丞周禮

司弓矢掌四弩隋有弓弩署唐改焉

增文獻通考曰

宋軍器初領於三司胄案官無專職熙寧六年廢胄案  
乃案唐令置監擇從官總判元豐正名分案五所隸官

屬四 東西作坊掌造兵器旗幟戎帳什物監官二人

以京朝官及三班使臣充 作坊物料庫掌收鐵錫羽

箭油漆之屬 皮角場掌收皮革筋角以供作坊之用

置官與東西作坊同建炎歸并工部紹興復置長貳各

一員隆興初詔軍器所已隸工部本監惟置丞一員乾

道後置監少監及簿淳熙初詔戎器非進入毋輒出所

由是呈驗寢省嘉定以後事最稀簡特爲儲才之所

續文獻通考曰遼北面有五治官金承安二年設軍器

監泰和四年罷復并甲坊利器兩署為軍器署置令丞直長隸兵部至寧元年復為軍器監軍器庫利器署隸焉置監少監丞直長掌修治邦國戎器之事元初為武備寺掌繕治戎器兼典受給置卿少卿等員至元五年始立軍器監二十年立衛尉院改軍器監為武備監隸衛尉院二十一年改監為寺與衛尉並立明製造軍器等事俱屬軍器局及虞衡司隸工部不設監

都水使者

丞主簿  
河渠署附

舟楫署

原杜氏通典曰虞舜命益作虞以掌山澤周官有林衡

川衡二官掌林麓川澤之禁漢武帝元鼎元年初置水

衡都尉

師古曰山林之官曰衡掌諸池苑故稱水衡張晏曰主都水反林苑故曰水衡主諸官故曰都

有卒徒武士故曰尉衡平也主平其稅也

掌上林苑

漢趙充國以中都為蓋水衡郎尉主船官也

主上林離宮燕休之處

王莽改曰予虞

後漢光武省之并其職

於少府每立秋獬劉之曰輒暫置水衡都尉

獬劉將祭大獬之名

獬勅反

事訖省初秦漢又有都水長丞主陂池灌溉保守

河渠自太常少府及三輔等皆有其官漢武帝以都水

官多乃置左右使者以領之

劉向為左都水使者是也又續漢書百官志曰劉向

領三輔都水

至漢哀帝省使者官至東京凡都水皆罷之并

置河隄謁者漢之水衡都尉本主上林苑魏氏主天下

水軍舟船器械晉武帝省水衡置都水臺有使者一人

掌舟航及運部而河隄為都水官屬元康中復有水衡

都尉

元康百官名及晉起居注曰陳慎戴熊俱以都水使者領水衡都尉

懷帝永嘉六年

賊入洛陽都水使者奚濬先出督運得免江左省河隄

諸公贊曰陳勰字太和有巧思為都水使者洛陽記云千金隄勰所置

宋都水使者銅印

墨綬進賢兩梁冠與御史中丞同孝武帝初省都水臺  
罷都水使者置水衡令孝建元年復置齊有都水臺使  
者一人梁初與齊同天監七年改都水使者爲大舟卿  
位視中書郎列卿之最末者主舟航河隄陳因之後魏  
初皆有水衡都尉及河隄謁者都水使者官至永平二  
年都水臺依舊置二使者北齊亦置二使者隋開皇三  
年廢都水臺入司農十三年復置仁壽元年改臺為監  
更名使者亦為監煬帝又改為使者尋又為監加置少

監又改監及少監並為令領舟楫河渠二署唐武德八年置都水臺後復為都水署置令隸將作貞觀中復為都水監置使者龍朔四年改都水使者為司津監丞咸亨元年復舊光宅元年改都水監為水衡置都尉神龍元年復為都水監置使者二人分總其事不屬將作領舟楫河渠二署丞漢有水衡丞五人亦有都水丞後漢晉初都水使者有參軍二人蓋亦丞之職任宋因之梁大舟卿有丞陳因之後魏北齊又曰參軍隋曰都水



丞唐二人主簿晉水衡都尉有之爲左右前後中五

水衡令悉皆有之梁大舟卿亦有之至隋又置唐因之

舟楫署令漢主爵中尉屬官有都船令丞水衡都尉

有楫權令丞晉曰船曹吏齊曰官船典軍後周曰舟中

士隋爲舟楫署令丞唐因之令丞各一人河渠署隋

煬帝置令丞各一人唐因之增宋史曰宋都水監判

監事一人以員外郎以上充同判監事一人以朝官以

上充丞二人主簿一人並以京朝官充掌內外河渠隄

堰之事

舊隸三司河渠按嘉祐三年始專置監以領之

輪遣丞一人出外治河

埽之事置局於澶州號曰外監元祐八年詔提舉汴河

隄岸司隸本監先是導洛入汴專置隄岸司至是歸之

有司元祐四年復置外都水使者五年詔南北外都水

丞並以三年爲任七年方議回河東流乃詔河北東西

漕臣及開封府界提點各兼南北外都水事宣和三年

詔罷南北外都水丞司依元豐法通差文武官一員分

案七置吏三十有七所隸有街道司掌轄治道路入兵

若車駕行幸則前期修治有積水則疏導之建炎三年  
詔都水監置使者一員紹興五年復置南北外都水丞  
各一員南丞於應天府北丞於東京置司十年詔都水  
事歸於工部不復置官

續文獻通考曰遼南面都水

監設官曰都水太監都水少監并監丞主簿金都水監  
街道司隸馬分治監專規措黃沁河衛州置司監掌川  
澤津梁舟楫河渠之事興定五年兼管勾沿河漕運事  
少監以下皆同丞二員內一員外監分治貞元元年置

掾掌與丞同外監分治勾當官四員準備分治監差委  
正大二年外監東置歸德西置河陰元都水監掌治河  
渠并隄防水利橋梁牐堰之事都水監二員少監一員  
監丞二員經歷知事各一員又河南山東都水監至正  
六年以連年河決為患置專疏塞之任設官品秩同又  
行都水監至正八年河決為患詔於濟寧鄆城立行都  
水監九年又立河南山東等處行都水監其大都河道  
提舉司隸都水監河防提舉隸行都水監明設都水司

官掌河道一切事屬工部

內侍省

內侍

內常侍

內給事

內寺伯

掖庭局

宮闈局

奚官局

內僕局

內府局

增宋明各司局監並附

原杜氏通典曰天文有宦者四星在帝座之西周官有

宮正宮伯

皆主王宮中宮之長

宮人

掌王之六寢

內宰

理王內之政令以陰禮教六宮

閹人

掌守王宮寺人

掌王之六寢及女宮

戰國時有宦者令

趙有宦者令終賢是

也

秦少府屬官有中書謁者令丞又有將作衛尉少府

各一人

並皇后卿

漢景帝中元六年改將作為大長秋

顏師古曰

秋者收成之時長者恒久  
之義故以為皇后官名

或用中人或用士人  
中人閭人成

帝加置太僕一人掌太后輿馬通謂之皇太后卿皆隨

太后宮為官號在正卿上無太后則闕

衛尉在衛尉上少府在少府上

之類是也

又有長信詹事掌皇太后宮景帝六年更名長信

少府平帝元年更名長樂少府帝祖母稱長信宮帝母

稱長樂宮故有長信少府長樂少府職如長秋位在長

秋上及職吏皆宦者也後漢常職掌奉中宮命凡給賜

族親當謁見者關通之中宮出則從屬官有丞中宮僕

謁者私府署令初秦又置中常侍官參用士人皆銀璫  
左貂給事殿省漢制置侍中中常侍各一人省尚書事  
黃門侍郎一人傳發書奏皆用族姓後漢中常侍贊導  
內侍顧問應對永平中始定員數中常侍四人

漢舊儀曰秩千

石得出入卧內舉法省中省中即禁中也

成帝外家王禁貴重朝中爲諱禁曰省 小黃門十人

自明帝以後員數稍增改以金璫右貂兼領卿署之職  
自和熹太后以女主稱制不接公卿乃以閹人爲常侍  
小黃門通命兩宮自此以來悉用閹人不調他士自安

迄桓權任尤重手握王爵口含天憲桓帝既與宦官謀

誅梁冀乃封宦者五人

單超徐璜貝瑗左館唐衡也

同日為侯皆食

邑故世號五侯焉

宦者鄭眾字季產事和帝一心王室每策勲班賞辭多受少由是常與議

事中官用權自眾始也

又明帝時中常侍蔡倫數犯顏匡弼又宦者曹騰歷常侍長秋封費亭侯用事省

閹三十餘年奉事四帝未嘗有過其所進達皆海內名人又宦者奇音良賀等皆清儉足以勸俗也楊秉

為太尉奏請免中常侍侯覽貝瑗等官尚書召對秉掾屬曰公府外職而効近官經典漢制有故事否秉使對

曰春秋趙鞅以晉陽之甲逐君側之惡又傳曰除君之惡惟力是視鄧通戲慢申屠嘉召責文帝請之漢制故

事三公之職無所不統帝不得已遂免覽官削瑗國

及袁紹大誅宦者之後永巷



掖庭復用士人閹闥出入莫有禁切侍中侍郎門部騶  
宰中外雜錯醜聲著聞魏改漢制三卿在九卿下晉復  
舊在同號卿上有后則置無后則闕齊鬱林王立文安  
太后即尊號以宮名置宣德衛尉少府太僕梁有弘訓  
太后亦置屬官陳亦有太后三卿後魏大長秋掌顧問  
應對自文明馮后閹宦用事大者令僕小者卿守宦者  
趙黑為選曹尚書北齊有中侍中省置中侍中二人中常侍四人  
掌出入門閤又有長秋寺置卿中尹各一人掌諸宮閤

領掖庭等令並用宦者後周有司內上士小司內中士

巷伯中士等官隋曰內侍省領內侍內常侍等官

內侍即舊

長秋內常侍即舊中常侍

煬帝改內侍省為長秋監置令一人少令

一人丞二人並用士人餘用宦者領掖庭宮闈奚官三

署亦參用士人唐武德初改為內侍省皆用宦者龍朔

二年改為內侍監咸亨元年復舊光宅元年改為司宮

臺神龍元年復舊有內侍四人掌知宮內供奉中宮駕

出則夾引總判局事舊二人開元中加二人七年三月

勅內侍五品以上者許養一子仍以同姓者初養日不

得過十歲

內常侍六人

通判局事

屬官有內給事八人內

謁者監六人內寺伯二人寺人六人領掖庭宮闈奚官

內僕內府等五局神龍元年以後始以中使出監諸軍

兵馬寶應元年五月勅諸道州所承上命須憑正勅可

施行不得輒便信中使宣勅即遵行 內給事周禮內

小臣之職掌王后之命后出入前驅後漢少府有給事

黃門常侍左右止在內宮門通中外及中宮以下衆事

自魏晉至於梁陳無其職後魏有中給事中後改爲中給事北齊中侍中省有中給事中四人煬帝改爲內承直唐復爲內給事置八人 內寺伯周禮寺人掌王之內人及女宮之戒令隋內侍省有內寺伯二人唐因之掖庭局令秦置永巷漢武更名掖庭令掌後宮貴人采女帳公桑養蠶及女工等後漢掖庭令掌後宮貴人采女又有永巷令典官婢皆宦者並屬少府唐置二人 宮闈局令二人隋置令掌宮內門閤之禁及出納神主并

內給使名帳糧廩事唐因之 奚官局令二人齊梁隋  
陳有奚官署令掌守宮人使藥疾病罪罰喪葬等事唐  
置二人 內僕局令二人後漢有中宮僕令掌車輿雜  
畜及導等唐置二人 內府局令二人漢有內者局令  
隋曰內者唐為內府置令二人掌內庫出納帳設澡沐  
等 增宋史曰宋置入內內侍省內侍省初有內班院  
淳化五年改為黃門九月改內侍省入內內侍省與內  
侍省號為前後省而入內省尤為親近通侍禁中役服

褻近者隸入內侍省供侍殿中備灑掃之職役使雜品者隸內侍省入內侍省有都都知副都知押班內東頭供奉官內西頭供奉官內侍殿頭內侍高品內侍高班內侍黃門內侍省有左班都知副都知右班都知副都知押班內東頭供奉官內西頭供奉官內侍殿頭內侍高品內侍高班內侍黃門自供奉官至黃門以二百八十人為定員凡內侍初補曰小黃門經恩遷補則為內侍黃門後省官闕則以前省官補押班次遷

副都知次遷都都知遂為內臣之極品其官稱則有內  
客省使延福宮使宣政使宣慶使昭宣使元豐議改官  
制張誠一欲易都知押班之名置殿中監以易內侍省  
既而宰執進呈神宗曰祖宗為此名有深意豈可輕議  
政和二年始遂改焉以通侍大夫易客省使正侍大夫  
易延福宮使中侍大夫易景福殿使中亮大夫易宣慶  
使中衛大夫易宣政使拱衛大夫易昭宣使供奉官易  
內東頭供奉官左侍禁易內西頭供奉官右侍禁易內

侍殿頭左班殿直易內侍高品右班殿直易內侍高班而黃門之名如故其屬御藥院勾當官四人以入內內侍省充掌案驗方書修合藥劑以待進御及供奉禁中之用內東門司勾當官四人以入內內侍省充掌宮禁人物出入周知其名數而譏察之合同憑由司監官二人掌禁中宣索之物給其要驗凡特旨賜予皆具名數憑由付有司準給管勾往來國信所管勾官二人以都知押班充掌北使介交聘之事後院勾當



官無定員以內侍充掌苑囿池沼臺殿種藝雜飾以備  
游幸 造作所掌造作禁中及皇屬婚娶之名物 龍

圖天章寶文閣勾當官四人以入內內侍充掌藏祖宗  
文章圖籍及符瑞寶玩之物而安像設以崇奉之 軍  
頭引見司勾當官五人以內侍省都知押班及閤門宣  
贊舍人以上充掌供奉便殿禁衛諸軍入見之事及馬  
步兩直軍員之名 翰林院勾當官一員以內侍押班  
都知充總天文書藝圖畫醫官四局凡執伎以事上者

皆在焉中興以來深懲內侍用事之弊嚴前後省使臣  
與兵將官往來之禁著內侍官不許出謁及接見賓客  
之令紹興三十年詔內侍省所掌職務不多徒有冗費  
可廢并歸入內內侍省 續文獻通考曰遼北面近侍  
局設於侍御司南面內省官曰內省使內省副使其內  
侍省官曰黃門令曰內謁者曰內侍省押班曰內侍左  
右廂押班曰內侍都知曰左右承宣使其上京東京各  
有內省司各置省使與省副使金內侍職入於衛尉司

內內侍局中常侍入於宣徽使內其事多分領於宣徽使而內侍省不設元內侍省亦不設其職不專宮禁事即文階亦授之 弇山堂集曰明吳元年置內使監設

令丞奉御內使典簿等官三年改定內使監御用監秩皆從三品其官令從三品丞正四品皇門官秩從四品正從四品副正五品春官門官正副同十七年更定內官諸監庫局及外承運等庫局品職 尚宮局尚宮一

入正五品司記司言司簿司闡正六品掌記掌言掌簿

掌闈正七品女使六人 尚衣局尚衣一人司籍司樂

司賓司贊掌籍掌樂掌賓掌贊女使二人 尚服局尚

服一人司寶司仗司衣司飾掌寶掌仗掌衣掌飾女使

二人 尚食局尚食一人司饌司醞司藥司饌掌饌掌

醞掌藥掌饌女使二人 尚寢局尚寢一人司設司輿

司苑司燈掌設掌輿掌苑掌燈女使二人 正功局尚

功一人司製司珍司綵司計掌製掌珍掌綵掌計女使

二人品皆與尚宮同 宮正司宮正一人正五品司正

一人正六品女使二人 內官監通掌內使名籍總督

各職凡差遣及闕員具名奏請設令一人正六品丞二

人從六品典籍一人正九品 神宮監掌太廟祭器及

祭祀灑埽設令一人正七品丞一人從七品奉御一人

正八品 尚寶監掌御寶圖書凡用御寶則奉請然後

付尚寶司官用之畢則捧入設令一人正七品丞一人

從七品 尚衣監掌御用冠冕衣服鞞履設令一人正

七品丞一人從七品奉御四人正八品 尚膳監掌御

膳設令一人正七品丞一人從七品 司設監掌御用

儀仗輦輅輿帳裯褥張設設令一人正七品丞一人從

七品奉御四人正八品 司禮監掌宮庭禮儀凡正旦

冬至等節命婦朝賀等禮則掌其班位儀注及糾察內

官人員違犯禮法者設令一人正七品丞一人從七品

御馬監掌御廐馬匹設令一人正七品丞一人從七

品 直殿監掌各殿灑掃陳設設令一人正七品丞四

人從七品小內史一十五人 宮門承制掌傳奉宣召

設奉御五人正八品又宮門守門官掌宮門灑掃時其  
開闔譏察出入設門正一人正八品副四人從八品

內承運庫掌宮御金銀段疋等物設大使一人正九品  
副使二人從九品司鑰庫掌皇城各門管鑰設大使  
一人正九品副使四人從九品巾帽局掌造內府冠  
帽設大使一人正九品副使一人從九品針工局掌  
造內府衣服設大使一人正九品副使一人從九品  
織染局掌織染段疋設大使一人正九品副使一人從

九品 顏料局掌燒造銀硃等項顏料設大使一人正

九品 司苑局掌種蒔蔬果大使一人正九品 司牧

局掌牧養孳生大使一人正九品以上皆於內官內選

用二十八年重定內官監司庫局與諸門官并東宮六

局王府承奉等官職秩頒皇明祖訓遂為定制內官監

十一曰神功曰尚寶曰孝陵神宮曰尚膳曰尚衣曰司

設曰內官曰司禮曰御馬曰印殿曰直殿皆設太監一

人秩四品左右少監各一人秩從四品左右監丞各一



人秩正六品三十年又置都知監秩正四品掌內府各  
監行移一應關支勘合設太監一人正四品左右少監  
各一人從四品左右監丞各一人正五品典簿一人正  
六品

## 大長秋

原掌皇后家

續漢書百官志曰秦曰將作宦者景帝更  
名大長秋秩二千石掌皇后太子家或用

士人爲之中興常用宦  
者職掌奉宣中宮命

非天子卿

韋昭辨釋名曰長  
秋是皇后官非天

子卿釋曰長秋主宮中凡物以春生秋成欲使中宮之  
祚如之故爲名辨皇后陰宮秋者陰之始長者欲其久

也

吳彥恩威徵拜

臧榮緒晉書曰吳彥爲交州刺史在鎮二十餘年威恩宣著南州寧

靜自表求代徵爲大長秋

孫和以妾免官

晉陽秋曰大長秋孫和上書求以妾爲妻免官

禁錮也

### 內謁者監

原杜氏通典曰內謁者後漢大長秋屬官有中宮謁者三人主報中章後魏北齊皆有中謁者僕射隋內侍省有內謁者監六人內謁者十二人唐因之

御定淵鑑類函卷九十六

謹案卷九十五第四頁前一行勿以為員刊本脫  
勿字據通典增

第四頁前四行試明經下第補弟子刊本脫第補  
二字員各十人除郡國耆儒刊本十訛千除訛  
餘耆訛諸據後漢書增改

第二十四頁後八行正席謝坐刊本坐訛生據通  
典改

第三十頁前二行董鈞刊本鈞訛均據後漢書改

卷九十六第三頁前一行分太府中尚方織染坊  
掌治坊署置少府監刊本方訛坊署置訛置署  
並據通典改

第四頁前八行染有均平之法刊本均訛宮據通  
典改


第十九頁後二行劉向領三輔都水刊本水訛尉  
據續漢書百官志改

第二十一頁前七行判監事一人刊本事訛寺同

判監事一人刊本脫事字並據宋史改增

欽定四庫全書





總校官庶吉士

臣

張能照

校對官檢討

臣

王福清

膳錄監生

臣

閻學澄